



三先生詩卷之九

江陰朱紹同弟 積編集

西楊孟載七言古風

姑蘇臺

姑蘇臺下清江晚斜日江心照欄檻臺上西苑
醉捧心江邊東越愁嘗膽鳴夷衰屍去不還麋
鹿散迹遊其間功成却羨陶朱子一葉扁舟弄
雲水

湘漢秋晴

讀書不願賢良舉朝醉巴陵暮湘渚兩鬢從添
鏡裏霜十年聽遍江南雨呼鷹臺上愛秋清鷗

鵝洲前看晚晴紅葉蟬聲湘寺遠碧潭鴻影漢
川明湘波漢水愁無盡畫裏江山聊一晒舉世
惟稱王仲宣當時亦有周公瑾

贈梳剝王生

湘娥剪筠編櫛齒鸞刀寒熨鷓鴣隨鉛華拂刃
水雪飛兩點春山愁不起青銅自照顏色好粉
垢脂痕經一掃三十六宮妬少年背指梨花笑
花老細骨輕軀珠翠娥玉膚紅映鴛鴦羅明朝
面嫩白髮多王郎王郎柰尔何

雨中看花

青楊柳深竹雨裏絳桃開一簇羞將瘦蹇

逐金鞍着屐看花仍不俗花枝淨洗胭脂面老
眼驚如夢中見已拚春色過三分何止東風吹
一片只恐天晴是暮春半隨流水半成塵淡煙
芳草長于路作意能來有幾人

梁園飲酒歌

我生之辰木入斗烏題東井命辟守壁為文府
斗為歲許我文章播人口三齡能言學誦詩四齡
指字識某某五齡琢句對實虛照青西黃配奇
稿客來當座賦短章四韻不待八叉手九齡六
經已畢讀掩卷背誦無掣肘半儀翩秋字鶴
顏色濯春風柳鄉間每辱師長愛學校駐輿

兒童友毫分縷析辯同異務植嘉穀去稂莠揮
毫直欲五色爛倚卷未肯一字苟龍蛇擬將赤
手搏富貴謂可拾芥取文場馳騁竟一蹶鬢鬣
局促俯其首歸來焚膏坐長夜盥掃不暇面塵
垢碎鋒礪銛期再策狐豕藟突犀兕吼豈惟文
運遭究七無乃曆數厄陽九自憐定亂匪鉛槧
束縛怪博事南畝畊童樵雅課朱墨塗林破硯
掃弊巾東蕃諸侯遠見微白壁玄纁責林藪屢
絳不獲始強起野服長揖坐談久青閨漏箭傳
午滴紫幕爐熏散春慵時翻玉檢題鸞鳳復賜
銀燧篆科斗鴈啼花落燕鶯飛頃刻浮雲變蒼

狗遷逐西行泣楚囚倉卒弗及拜慈母初移鐘
離復入汴山路蒲伏十日走皮焦足胝汗浹踵
手策羸蹇背有負囊資空乏衣破裂無以補綴
謀諸婦婦言別久替珥空借舊乞隣無不有高
堂姑老爾女幼日羞魚鰕買梨藕恐無紉帛禦
姑寒安得吳綿為君厚余聞愧赧双臉赤灑泪
出門心欲朽病軀有僕不得將藥食扶持賴親
舊寒沙古壘泣英靈落日踈林嘯猿狖前途尚
遠節屢換白露應候月在酉榮枯万變類觀爽
憂憤百結如錯紐筋力衰頽卧猶倦鬢髮頽白
照逾醜盡將得失付忘言且醉梁園一樽酒

題水西草堂為楊公輔作

鴛鴦湖東武塘西
桃花滿川蒲葉齊
春風二月微雨零
鵝鴨拍水黃鶯啼
推窓正對參差柳
柳色波光淡於酒
烏紗短帽半籠頭
紫竹魚竿長在手
平生愛讀內景書
往往適意隨禽魚
開門懶迎俗士駕
拄杖每扣高僧廬
客來舉酒邀明月
細瀾松濤煮春雪
但覺身無俯仰勞
安知在東西別今年
扈從未大梁錦袍
白馬青絲韁信陵
宅畔暮鴉集朱亥
門前秋草黃輪番
夜直中書省霜華
滿中鬚髮冷粉署
香消紫綺錢碧梧
影墮黃金井
菟夢時到草堂
曲欄花藥淨

分行他年得遂歸田計
多種墻陰十畝桑

送朱明善

昨城主薄冰玉骨
天闊霜清見飛鷗
家住西湖第一橋
半生詩酒笙歌窟
斜肩兜子捨宜船
九里松陰十畝蓮
松下看山船上宿
小娃隨索買花錢
鶯嬌蝶妬春如綺
一夜東風變桃李
回首梁園問故鄉
咫尺吳山四千里
吳山漸遠音書絕
兩鬢青未成雪
烏帽朝辭鄭圃烟
鹿車夜挽蘭臺月上
官不憚道路長
豈問富庶并荒涼
正須到縣招竄匿
要使枳棘皆畊桑
婦女養蚕男種麥
食有雞豚衣有帛
兒童不識戍丁勞
父

老能歌縣官德慚予亦是柴陽簿虎牢關下成
泉路有酒誰澆紀信鬼無人敢畫鴻溝渡鄭衛
由來本懿親滕城齊地相思只隔大河津愁將
良嶽風前柳持贈山陽笛裏人

贈別吳居易

黃梅雨晴柔重綠南風棟花香軟故人訪我
北山隈帶東烏犀帽輕縠入門相頷若夢寐名
姓雖忘面仍熟久之稍憶舊遊尚恐非真問
僮僕遂昌先生客滿座君時雄辯衆賓服先生
博學且敬君况我才疎敢相逐蘇臺一列已十
年世事飄如電經目羨君遊俠印屢懸嗟我巢

傾歎俱覆去年謫官向河返手脚鱗皴双鬢禿
歸來親友半死生不意逢君此江曲摩挲老眼
為君喜更覺君顏美如玉龍江花落乳燕飛美
葉葉大筭過竹殺雞沽酒招我飲爛醉頽然坦
其腹深情密忘語未終舟楫匆匆去何速臨流
索我題送詩詩句難工羞再讀廬山東來五老
峯大孤小孤青乱轟着我茅茨一兩間悠然醉
把東籬菊

贈李廷川

南風雨來塵乍泥榴花豈美生初齊一人失意
解官去席上衆賓顏色低酒車欲發未忍別感

慨握手臨大堤綠荷為盃對為蓋碧酒蕩漾青
玻璃茲行觸熱問閩粵咫尺浙水分東西或登
雲門探禹穴或上鴈宕開天雞天台桃花千万
樹中有現皖黃鸞啼雖云窟謫異憂喜眺望自
可窮丹梯韓潮柳播夜郎白吉士往之遭傾擠
蕉中之鹿塞翁馬此事何足含淒悲但嗟靈物
困汙瀆無一出手相提携不然寵辱實命致毋
乃天不哀群黎渡江秋風未十日織女西嫁牽
牛妻自甘沉匿守天拙寧復乞巧陳瓜梨嗟予
遘患屢迂逐親見鄧鳩爭燃臍金多位重何足
恃頃刻變化如雲霓君年五十髮漆黑壯氣鬱

鬱衝端倪驛驢歷塊偶暫歇終得奮迅追風蹄
經過虎鼻坐石壁為我拂拭苔中題

贈許白雲

白雲老翁樂且貧眼如紫電炯有神麻衣紙扇
汲兩屨頭戴一幅東坡巾清晨扣戶來過我知我
舊是諸侯賓入門長揖肆雄辯動引四代卑先
秦初疑傲睨意翫辭稍久漸覺情真淳後茲興
至每一到不問風雨并昏晨矯如野鹿不可繫
去不可挽送乃嗔我來社渚少朋舊一境二姓
惟未陳租徵稅迫夜繼日未暇與我談逡巡荒
村不意得此老澆我三斗膏中塵我時信口答

所問怪我出語多驚人翁年耳順學不倦片言
有益書諸紳我慚習懶竟成癖日影照腹脚未
伸起來巾櫛不自理一飯且飽南湖尊諸生幼
弱學久廢勢字費我言諄之翁來相對輒太息
謂我館閣月冗淪人生富貴等泡幻達何可喜
窮何攀公未為一遺夫婦白首襄陽民翁聞我語乃
大嗟呼我一醉華一正須狎暱對鷗鷺何必
形像圖麒麟一雨過秋水碧中有一尺黃金
鱗明朝買魚一即我自撥拾山中薪

吟題湘山寺

在金城西寺有無量壽佛真身

清湘縣前山繞城綠陰滿寺叫乳鷺入門下馬
松逕濕棕櫚花開春雨晴山僧知我携客來聚
裘鐘磬下塔迎汲泉敲火煑新茗茶香鼎潔泉
甘清龕灯照佛漆像古舍利五色真身明黃金
布地孔雀帳幡蓋聯絡皆珠璣飛來巨石卧青
兕以爪扣擊成金聲十年足跡走萬里福地佳
迷榛荆茲山信是無量壽百千萬劫完不傾乃
願力自廣大天龍守護邪魔驚我來作禮繞
三匝寶花如雪天樂鳴便從真如入妙苑豈有
世網能相嬰同行僚友二三輩勸我寫石留芳
名他年老眼得再覩風雨剝落莓苔生

春江雪霽

烟嵐蒼々雨濛々春雲淡白春霞紅扁舟上下
行十日盡在郭熙山水中今朝推蓬更奇絕兩
岸江山皆玉潔又是王維着色山十幅屏風畫
飛雪參差琪樹當春起零亂天花墜春水鷺鷥
三千月殿中英蓉十二冰壺裏當時玉堂看畫
面自謂此景世所無而今老眼見真景始信二
老畫不誣人間妙筆奪造化徃々天真乃如畫
意匠經營自逼真按面索駿風斯下須臾雪霽天
宇碧一色瓊瑤蕩春日柳自輕黃草自青縱有
此畫無此筆肩庵居士非好奇為嘆此景無人

知都將摩詰畫中意寫向春江雪後詩

黃鶴樓看雪

黃鶴樓前水平岸春雪當空舞撩亂東風知我
欲登樓助以瓊瑤作奇觀昔人黃鶴去不回我
騎白鳳橫江來遙看歷々漢陽樹一色盡是梨
花開人間何處稱奇絕百尺闌干滿江雪氣壓
滕王閣上雲興高庾亮樓中月瀛洲咫尺非難
到鶴背琪花落烏帽載酒誰能問謫仙題詩未
必無崔顥江山得此清無敵頃刻銀蟾蕩瑤碧
更着仙人紫綺裘卧聽呂岩吹錢笛無盡不
邀方負外看花

金昌亭西萬株花燕支玉雪爭紛拏春風推乃酒
看花去騎馬徑到山人家花深樹密無徑入下
馬徘徊映花立紫萼風微翠袖香紅絲露重烏
巾濕別來幾負看花期客裏忽見一枝白下
橋邊寒食後廣陵城外綠陰時今年花最逢春
早準擬清樽對花倒人意方邀酒伴來花枝已
向春風老花雖漸老仍堪折猶勝絲絲滿溪雪
且共芙蓉帳裏人坐對海棠枝上月

同方員外看花

熙寧五年壬子清明日眉山蘇公看花
于錢塘吉祥寺金盃綵籃獻花者五十

三人有詩曰吉祥寺裏錦千堆前年賞
花真盛哉道人勸我清明來腰鼓百面
春雷打徹梁州花始開是其事也洪武
五年余與員外方君看花於江西省按
節值清明歲亦壬子去蘇公三百年矣
嘆公之不可見猶得以誦公詩也因賦
長詩一章以記歲月庶為三百年後之
異會中張本云

吉祥寺裏千堆錦綠髮仙人對花飲腰鼓金盃
五色籃醉歸猶帶花枝寢東風壬子幾清明三
百年來寺已傾沙河塘上痴兒女猶誦錢塘大

守名看花我亦逢壬子况是清明非偶耳莫論
南浦与西湖芰水吳山正相侶青蓮居士識前
因金粟如來現後身縱不能知塵外劫也須言
是會中人

喜雨為黃少府作己酉歲

今年太歲集在酉謂可三錢糶米斗入夏兩月
無雲霓焦卷枯黃滿田畝句容縣尹黃叔度畫
夜感頽疾其首脫巾跣足禱諸廟龍井神祠一
扣精誠信可貫金石頃刻雷公訶電母一雨五日
三尺深高隴低田無不有花茂葉雲樞極歎
簌輕花雪紛糝邦民歡喜夜無寐起賀買畫村

中酒清晨扶策謝縣官微尹吾農將竄走尹言
此豈我輩力自是天公怜尔叟嗟余貧無牛十
角終歲筆耕事糊口硯田得雨墨瀋足庶免飢
寒累朋友今朝野老邀我飲草一盃盃薦梨藕
醉後狂歌喜雨詩詩成漫續諸公後

杜伯淵送新米走筆以謝

山人送我山田米粒如霜新可喜雨春風簸
落紅芒照眼明珠絕糠粃飢腸欲食未敢炊未
及秋嘗薦祖禰憶我初來歲方旱焦穗萎苗將
槁矣不意茲晨見精鑿其實更將何物比終歲
勤勞農可念不畊而食余堪耻歸買松江雪色

鱸持向高堂奉甘旨

月灣秋影

勾曲有水鏡明月灣每中秋月圓則水
中月影方半形相傳葛仙翁幻術至今
猶存

千江明月秋無際獨有灣頭明月異灣頭十五
月方弦半璧嬋娟半猶未月明在天光在水水
成麗不然水府食妖墓母乃神仙為狡獪嫌娥
亦學半面粉太滿恐為人所忌圓非真圓缺非
缺造化掀騰等兒戲我來送客秋正中香影婆

娉落霜桂邀我同吟月影詩自愧詩脾少清氣

巢雲詩為周孟基賦

白雲無心本無住聊結雲巢與雲寓十年裡得
雲滿山雲復留人雲不去以雲作巢雲未知雲
為窓戶雲梁楣巢中除雲一無有儿席枕簟皆
雲為人言我巢雲一朵我非巢雲雲巢我是耶
非耶何足云雲我我雲無不可雲臺諸將千鐘
祿万里青雲電經目人生富貴等浮雲何似巢
雲數椽屋

夜坐聞異香

玉河斜低衆星皎白露橫飛濕幽草異香何處

忽飄揚郁、霏、遍穹吳。鷲馬隨風驚旖旎，稍
久欲尋還縹緲。寒衣四顧，但澄碧正似萬株丹
桂。繞恍疑神仙鳳輦，過馥郁爐熏散雲表。復疑
寒兔拾玄霜，玉田丁東杵，龍腦道人六鑿久空
穿。香味色聲俱一掃，默然鼻觀相感通。此豈天
花故結惱，細細自散還。自咸聞似不聞，神不擾
世間萬有等。虛幻臭腐神奇心，所造頂更斗轉
金氣雨刺。微寒寒破復自展，羅余向壁眠一
任秋風弄池篠。

宜秋軒東古桂一株花已爛熳，人無知者。
偶夜坐聞有香自東來，旦起訪之得於荒

庭廢苑中。余既嘆其不為人所識賞，而復佳
其不以無人而不香也。繞樹嗟悼，慰之以
詩。

宜秋軒東一株桂香葉婆娑，擁寒翠。秋堂夜靜
風滿簾，時覺幽芳來拂鼻。清晨曳杖訪幽獨，一
暎青苔雙戶閉。離、嫩葉罨虫絲，簌、輕花落
深砌。麝金泣露濃，更密珠粟疑烟。疎海細半粒
能含萬斛香，一枝欲奪千株麗。當年此地競攀
折，月戶雲窓啟。秋霄金尊灑泛縹，色酒翠袖涼
簪寶粧。善西風幾度人迹絕，獨有幽花自粘綴。
村荒地僻霜露繁，摧折紅蘭凋紫蕙。負然一見

宋憂失不異孤懷得佳儼
逸之百匝未忍去平
以長歌悲莫繼更深月出擬
再來明日紛々嗟
滿篋

宜晚軒觀梅有懷西湖舊遊

萬松嶺上梅千樹踏雪年
探春去湖邊十里
翠裙腰盡是看花醉眠處
花今憔悴不如前人
亦飄零二十年夢魂不到
西湖上春色自繞南
枝邊今年看梅未杜曲一
樹寒香照茆屋別是
人間冰雪魂肌膚綽約清
如玉雪更玲瓏玉更
溫春風入髓淡無痕
數聲殘角黃昏後獨自相
看半掩門

金陵對雪用蘇長公聚星堂雪韻禁體不

用益玉梅絮鷓鴣鴛鴦等

黃雲凍凝不成葉十載江南無此雪
珠簾十二
曉齊開正值千山鳥飛絕
墻腰簷角危欲墮
竹頂松梢重將折
偏來舞殿閑輕盈忽上金釵易
消滅誰家沉火坐吹笙
着處銀瓶呵手掣
脂凝香髓罷晨粧
臉暈微渦散春纈
帶雨欲粘仍作片
因風悞觸俄成屑
漁蓑向晚畫難工
歌樓未曉光盈瞥
恠事休驚越犬吠
豐年每信吳農說
欲和東坡白戰詩
冰滿霜毫硯如鏡

尚梅軒

江堤雪消春水漲吳人看花車百輛梨花輕盈
杏花俗祇有梅花清可尚一枝斜橫脩竹外數
朵迥臨溪水上東風一吹色殊絕霽月暫照光
欲蕩山人尚梅如尚賓兩屐萸萸曉相訪清尊
醉月對花飲香雪紛紛落盆盎莫待東風玉笛
催花間容我青藜杖

春日白門送范謙光還四明

白門花開春酒香參差柳條如酒黃柳邊沽酒
勸君飲別意迥與江流長江花近接瀛洲草宮
樹鶯啼燕歸早白馬銀鞍游俠兒雞鳴爭入金
陵道金陵自昔稱佳麗虎踞龍蟠天子氣綉帽

將軍衛霍功黑頭卿相金張貴禁陌遙々十丈塵
鳳笙牙板奏青春相逢金水河邊客半是公車
待詔人君今掉頭歸故國欲倚雲松看山色親老
宜承菽水歡時清不用芻蕘策到家春深花未
稀竹筍嫩白江魚肥登堂奉親翼親喜蜂蝶故
繞繡斑衣多才如君世稀有珠韜玉韞那能久
明日徵書到四明期君更酌金陵酒

贈別徐季子

徐君昔為吳學官玉壘劔具魚皮鞍千金每贈
壯士別一語耻作儒生酸庭前手種萬脩竹窓
戶颯沓烟霏寒南風醉卧雪覆簟西月對爽星

羅盤維時海內尚文學辛飾黼藻窮研鑽諸生
面試鸚鵡賦座容頭戴雄雞冠我方年壯髮漆
黑朋視班馬輕蘇韓飛鳴欲和九苞鳳絢爛未
讓五色鸞君來勸我意勿銳少抑汝氣察可觀
驂駟受駕就矩步健鶻飲束風中翰吳門一別
二十載鬼物變性驚百端相逢白下恍夢寐方
中闊帶麻衣寬道傍再拜問所歷細語款接平
生歡君言擔欲拜我毋為恐此別重来難毋今
九十兩足痺風雨半榻茅茨安今朝山中得新
筍軟煮香飯供晨飡百年自足三釜養晚景忽
此船行灘君材所施無不可經史滿腹皆琅玕

酒酣文思孰比儼強努激矢江奔湍明朝到縣
學舍小賴有繞屋山噴玩櫻桃爛敗梅子大倚
葉出水青團行當散髮坐白石何用秉筆起

金鑿

北山梨花

余卜居金川去北山無十里每清明時

梨花盛開輒動洗粧之想隣友薛啓宗

邀余看花者再俱以猥俗所繫不能如

約日昨又期出郭風雨泥濘弗良于行

啓宗為予折一枝相贈而賦此時歲辛

亥暮春五日

北山梨花千樹栽年々清明花正開薛君好事
兩段我騎馬看花携酒来看花出郭我所愛况
是梨花最多態我牽塵俗不得赴花本無情花
亦怪今君折花馬上歸索我細詠梨花詩水肌
玉骨不受飾敢以脂粉塗西施東坡先生心似
鉄惆悵東闌一株雪重門晚閉沉雨珠簾夜
捲浴月月宜淺淡雨宜濃淡非浪白濃非紅
閨房秀麗林下趣富貴標格神仙風一枝窈窕
開逾倩方為玲瓏看應眩皓腕輕籠素練衣越
眉淡掃春風面自須玉堂承露華何事種向中
人家不愁占新天下白正恐壓盡人間花江梅

正好憐清楚桃杏紛何足數祇有銀燈照海棠
海棠亦是嬌兒女

題周曾秋塘圖并引

宋周曾秋塘圖一卷前元皇姊大長公
主所藏也有集賢翰林諸詞臣奉皇姊
教所題自大學士趙世延王約而下凡
十有六人當元運方隆皇姊雅尚文學
一時名公鉅儒以文墨寵遇當世之盛
蓋可想見元既革命此卷遂為江左薛
起宗所得示予徵詩予雖不敢執筆其
間而袁鄧馮李又皆先子之友嘆不可

見玩誦再四敬題于後

陂塘九月菰蒲老菱葉無多荷葉少無數飛來
白鳥明一群游去青鳧小寒雲弄影忽成霞鴈
轉斜行下淺沙晚色不隨流水去秋光都在拒霜
花當時內殿春風細紫衣傳教詞臣醉鮑謝文
章屈宋才詩成曲盡秋塘意塘水秋來景漸疎
低烟斜日照平蕪鴛鴦去盡芙蓉死空向人間
看畫圖

樟樹鎮舟中作

儂是吳松釣魚叟全家生長吳江口遲鈍長飛
衆鳥先迂疎每落諸人後城中父老少相知鄉

里兒童亦見欺凡上細抄高士傳壁間大篆考繁
詩春風百草承膏沐強擲漁竿親按牘胥史猶
朝吏事疎妻孥却咲形容俗羸馬長塗忍不堪
君恩何日許投簪半蓬秋雨烟籠水數點寒星
月滿潭

清明日憶北山梨花

去年清明花正繁騎馬曉出神策門千桃萬李
看未了小途更入梨花村低枝初開帶宿雨高
對爛白迷朝暎柔膚凝脂暖欲滴香髓入面春
無痕青霞玲瓏翠羽亂白雪照耀瑤瑤温折花
對酒藉草坐花氣暗撲黃金樽薛君起舞為我

壽勸我一曲招花竟須臾明月忽到對主人送
客惟留髡羅巾款斜烏帽落醉眼况復知清渾
村中至今為故事笑我自是劉伶孫我慙不答
竊自慶大抵此樂皆君恩今年清明坐西省雷
雨兩日如翻盆群花削迹淨如掃衆綠皆醉不
可捫豈無青錢換斗酒按牘嗚嗚嗚窮晨昏伴來
督責至訶詈面微發紅氣欲吞未能扶搖跨鷗
鷺未免束縛同雞豚人生屈辱乃淬灑百鍊正
欲逢蟠根自知力不舉一羽強欲扛鼎追烏賁
晚晴汲井試新火熬筍綠蕪供監殮歸來飯飽
對妻子萬事反覆何足論

千葉桃花

江花先好還先落二月芳菲已蕭索掖垣一樹
開獨遲嫩葉龍葆抱香萼朝來小雨浥輕紅春
色千重與萬重點注定知煩曉露剪裁寧不費
春工春來到處尋桃李不道東園花自羨傷心
世事恰如花何用勞人行萬里

贈故人全王孫

兄為柱國弟開府守吏紛々皆繡斧勅賜龍河
百畝宮畫戟彤弓映朱戶金鳳蟠胸白錦襦面
如紅玉熬虬鬚六宮曉逐諸王入八府春隨宰
相起東風忽念江南好寶騎看花踏春草茂苑

鶯聲醉裏聽建章柳色愁中老回首瀛洲草木
新蒼顏白髮照烏巾都將秋水蛇紋劍贈與長
安任俠人

省掖觀梅和宋草堂韻

玉肌瘦怯春風惱唇紅不退香雲老綺窓人靜
月初圓咲覺飛瓊顏色槁羅幄銅瓶小几邊銀
燈疎影現臺前一枝初破休輕折半朵猶含最
可憐宮粧近眼人爭愛却恐傷多零落快莫教
纖手嗅東風誰畫生香與真態

皂角灘在零陵縣西南

烟蘿邈邈對蒙鬆夏綠已換春花紅千山萬山

無所聽鷓鴣杜宇啼春風穿崖爛熳高百尺快
劍無痕鏡翠壁寶氣朝迎五色霞丹光夜燭三
更日我從漳江出彭蠡巴陵長沙洞庭尾看遍
衡廬兩岸山行盡瀟湘一江水輕舸短楫辭零
陵巧典亂石爭功能牛刀慣熟中肯綮郢斧神
捷回鋒稜男兒性命固可惜底事矜誇向群石
鷗邊短草一枝筇牛背斜陽數聲笛

醉歌贈朱彥明別

西風吹老淮陰柳秋色遙連大江口楚漢爭衡
未解兵一盃且盡高陽酒豎儒可罵冠可溺底
用文章呈百醜亂世功名繞唾手不論鳴雞與

屠狗自將隻劍報漁翁更輟千金酬漂母英雄
百萬賭一擲宜對兒曹奪升斗東家權利競刀
錐聞之恨不他口耳雙耳也我生貧無屋半畝囊
錢數縉粟在缶凍餓長居野老先飛騰已落他
人後君今着鞭辟培塿野樹遙迎馬首為問
伶俜輿下人年來頗得蘇息否

春風行

春風吹花快如剪柳條婆娑顏色茂四更急雨
作輕寒零落餘香上苔蘚街泥汚人不出戶強
以一樽聊自遣西家酒熟復苦貴收拾春衣倩
人典齋厨久斷魚肉腥細嚼芹菹勝禁商時平

戚戚恐寒飢况乃厄運愁不免醜妻念我憂無
薪私爨破簣炊戶樵客來嗟吁但枯坐慙愧不
得具茶萍今朝棠梨開一花天氣自佳日色耽
西南諸峯宛在望暖霽晴烟張翠幙去年馳馬
虎丘前醉折櫻桃隨步輦只今咫尺烽火隔高
柵長營依舊轉極目郊原草樹空那得鉏犁到
溝畝東吳自經五季亂四百餘年絕兵燹物盛
還衰滿則虧此理甚明知者鮮嗟余親老諸弟
隔晝夜感頰眉不展巷哭隣呼不敢聞何暇諄
問牛喘樓前旌旗芳草闕燕未歸簾半捲呼
兒插花向晴昊手把短鬚吟更撚準擬青鞋到

處遊繞堤蒲柳泥春軟

祁陽行

黃鶴樓前漢陽雪岳陽樓前洞庭月自謂人間
無此清到處相逢向人說祁陽江頭春更佳彷彿
似是神仙家黃鶯亂啼万竿竹綠竹紫拖千
株花花深竹密交相映雞犬無聲茅屋靜野老
回頭喚不應勿勿况得通名姓水流花落岸東
西只隔疎烟望已迷天下于今皆樂土何須更
覓武陵溪

畫馬

古來畫馬如畫竹貴在蕭去凡俗骨欲權奇

尾欲輕不用豐鬃與多肉當時精妙祇曹霸人
與驂騑意俱化信筆為之自有神忘却龍圖舊
時畫此馬滿身雪作團大宛三日到長安若教
引見南薰殿應賜殷紅瑪瑙盤

喜客來

壯年不愁長作客亦不暇愁鬢髮白但愁金盡
酒樽空孤負長安好春色閉門三日生綠苔失
喜忽聞佳客來急拈春衣典春酒正值滿樹梨花
開花如冰雪人如玉妙舞清歌歡不足黃昏客
去酒未醒細雨鶯啼梅子綠

并州對雪

春風雪花大如手，
匝匝離綻撲窓牖。
入陌消融鴨綠醅，
隨鶯點綴鶯黃柳。
誰人能來剡溪棹，
我獨痛飲淵明酒。
白髮沙頭羅釣翁，
睡覺蓑衣頻抖擻。

夢綠軒

余與幼文謫居鍾離，
結屋四楹。余居西楹，
幼文居東楹。幼文嘗賦詩曰：
夢裡綠陰幽草盡，
中春水人家。何處江南風景啼鶯小，
雨飛花蓋深。有意於故園也。
回題其室曰夢綠，
邀余賦詩。

蜀山岡頭萬章木，
細草幽泉蔭脩竹。
五月六月

山雨晴空翠紛紛，
滿衣綠杖蒸或來陰下行雲。
影不動涼風生，
青連翠結欲無路，
彷彿上有黃鸝鳴。
去年吳城正酣戰，
却倚危樓望葱蒨。
今年放逐到長淮，
萬綠時於夢中見。
夢中見綠竟始知，
索我亦賦夢綠詩。
逢人說夢子堪笑，
替人作夢余何痴。
世間萬事同野馬，
竟後非真夢非假。
五色過眼本虛空，
富貴於人誠土苴。
南風劃然吹夢破，
樹頂不知微雨過。
從今寤寐俱兩忘，
靜與白雲相對坐。

舟入蔡河有懷徐幼文

憶昔見君江浦外，
七尺長身齒含貝。
君年未冠

復新婚錦帶吳鈞紫絲佩豪姿俠氣颯蕭爽春
鴻輕便秋隼快結交梁楚燕趙間追慕廉藺羞
郭解誓將弓槊事鞍馬耻坐朱墨服巾帶余時
瑣屑箋函魚析几寒燈寫秋芥相逢一笑恍自
失不異吳岑仰高岱殺雞為黍三日談深中肯
綦入黜黜方喜師君竟兄我卮酒動輒受君拜
停觴爛漫出險語磔裂鬼膽窮百怪天然清真
去雕飾王嬙西施洗鉛黛漱芳雉睽再三讀項
上之齋左手蟹技痒礪秣互犄角十捷一二八
九敗余實羨君敏且博君亦怜予強而邁英雄
敢誇權與操強弱不止楚敵秦孟諸豪士渤海

高時復時足如昂鷲高才於我十倍不尚嘆追
君力不逮縱橫十字戚生筆迭宕百韻余君菜

物文有素戚素蕭筆并
知意鄉菜高二詩甚工

僧居秋迥鉢聲長雪屋香消燭

痕在清遊未竟夕漏終落月殘星悲一慨激烈
正醉金陵酒漂泊共泛濠梁載城荒地僻生計
拙曉脫春衣倩人賣破樓夜雨隣鍾急委巷秋
風茆屋敗斯時愁絕正難禁君獨相寬勸余耐
別來奔走向西洛面色痿鷲病新瘡莊臺握手
須臾立胸臆梗塞如有碍平生耻作兒女悲此
別戚若有槩今朝過蔡將入陳漸見舟艫艤
灘瀨平漪細石魚洄渚斜日低烟鴈橫塞相思

無柰客中愁聊述長詩歌一再

嘆道傍野花

烟蕪淒淒秋色老夕陽穿對照梨棗野花一簇
道傍開細蕊繁英出深草我來採薪露已晞落
葉滿地黃蝶飛偶後荆杞得麗質肌骨玉潔生
光輝花得逢人花亦喜靈妃粲然露玉齒小朵
誰簪寶髻雲幽香不到銀瓶水臨風折花長歎
息細數花名思未得人生歡樂在相知莫恨從
前未相識

贈蕭處士別

先生茅屋東海濱十年避兵西入秦烟埃萬里

不可住沽酒爛醉金陵春金陵酒後忽相顧欲
縮印綬加其身飄然接浙去句曲即以妻子託
所親改易名姓穢形跡頭戴破碎蓮花巾山中
道士總莫識稽首來問每見噴不參茅君禮北
斗亦不燒煉藥與銀雞鳴函谷走壯士策老扶
幼驚四隣衣冠詭異顏色變始猶未認久乃真
故舊十室九戰死惟有碧草長如人東風渡江
蕩舟楫與我相見吳城闌梅花照耀雙鬢白柳
色掩映麻袍新連朝握手話未了曉起別我潛
悲辛江城禁酒不得醉黃鳥怨恨青山顰當朝
大官每好士與子孰匪葭莩姻胡不留此拾青

紫肥馬蹴踏天街塵君言家遠寒食近歸拜隴
墓除荆榛魚蝦可羹黍足飯細雨更採西溪蓴
我聞此語重歎息敦尚孝義良可珍富貴誰復
念祖禰高塚但卧双麒麟春江風高船去急鳧
鴈散漾波颺何當束書着野服放浪同覓桃源民
題巧石雙松面

松蟠雙龍青石嵌萬竅玲瓏積雪巧何事淋漓
水墨畫高堂六月秋風早秋風吹雲山脚動瀑
布飛來濕瑤草翠簌危撐日月低霜根倒挿雷
霆繞山中黃葉已蓋地獨有烟蘿青裊裊夕靈猶
含碧海秋春霞欲破丹山曉平生夢松并愛石

不意江鳧得蒲藻醉裏徂徠若可登人間草木
漸枯槁豫章將軍顏色好十年走馬淮陰道索
我題詩寫壯懷詩成已覓松杉老

何嘗贈李道士栢梁體三十八韻

先生學醫并學仙朝採參朮夜煮鉛丹成雞犬
飛上天靈氣化為五色烟珠宮瑤樓花爭妍紫
鳳白鶴青瑤編亦有窈窕蛾眉千綠鬟素頰雲
垂肩手把玉磬彈冰絃儵然而來忽而還一語
不敢空留連但見碧霧籠蜿蜒歸來城郭久已
遷海水枯涸成桑田疲癯之人瘡痍腫偃若病
鶴脊脊吟寸匕入口無不痊嬰鑠起舞衣編襍

報以白璧直萬錢珊瑚木難雲錦綵長揖弗受
禮數虔倒騎赤虬不用鞭疾如飄風送飛鳶曾
不少留我意懸丹臺峻增俯九淵清虛自是龜
巢蓮我無羽翮相後先譬彼食蜜思中邊十年
空齋坐寒氈兀與老衲叅枯禪時有嗔愛來相
牽未若得象忘蹄筌歲月哀東逝川欲返內
景無黃綠道固可授不可傳恬淡無為神自全
何當吹笙導彩旃相頌一咲空峒巔

三先生詩卷之九

三先生詩卷之十

江陰朱紹同弟積編集

楊孟載七言古風

棠陰沈仲真自德清折苔梅一枝見惠

江南地暖雪不落臘月梅花滿岩壑今年正月
冰雪多梅並青尚含萼夢斷寒窓風雨中遙
想西湖搖蕭索野人遠自山中來寄我橫斜春
一握碧苔繞枝花半露翡翠明珠相間錯玉骨
寒封紫繡衣冰梢翠剪青螺殼初疑老龍鱗甲
動更覺霜禽毛羽薄生香入手未敢嗅一日春
風到樓閣與君別來鬢髮蒼心跡未遠時匪昨

忽向江南見似人顏色皎々殊不惡
笑呼春酒白玉壺且復清吟對花酌
茗溪雪消生杜若盡舫青帘恣行樂
明日相思賦遠遊東家許借孤山鶴
題王對明長史畫
白雲英々山簇々綠蘿垂陰樹如屋
鳴琴彈罷坐碧蘿手搖羽扇坦其腹
南風徐來生晚涼衣裳颯然荷洙沓
世間萬事若流水呼吸湖光醉一觴

題漢湘秋晴圖
湘江澄若漢江綠芷葉蘭花映斑竹
一聲款乃

鴈雙飛數點青山淨如玉蒼梧四望
是荊州篁雨吳雲恨未休無夢可聽
湘女瑟有人方倚神宣樓

題趙元懸崖空谷
懸崖無根谷無底樓閣參差半空起
不信神工斧鑿成人間至險無如此
我對畫圖還撫膺何况崎嶇險處登
槿樹籬邊堤似掌藕花池上月如燈

清溪漁隱

清溪秋來水如練歷々魚蝦皆可見
綠葦酒醒鴈初飛風急蘆花吹滿面
溪南一帶是青山

看垂楊便可誇謾道白鷗閑似我漁舟更比白鷗閑

西省海棠

山西陳則威以晉無梅花初來江西即求識之省左掖東楹有海棠一小樹則威尤鍾愛之曰數次至花下風雨昏暮不忍去也嘗索余賦詩余時迫於按牘不暇舟行湘中梨杏桃李每得厭觀而獨無海棠因賦此以補其缺云

山西公子虬髯客到處尋梅認香白春風省掖海棠開暫去還來拋不得嗟我有癖常自笑不

意逢結亦同癖花枝雅麗不以艷我革尚德不尚色曉窓雲暖風日妍數朵娉婷春半拆睡損紅綃膩有痕舞酣春勝嬌無力銀燭不如微月照珠簾更著疎烟隔飛燕輕盈富貴姿玉環態度神仙格此日凝妝青瑣外當時檀寵沉香地繁開似妬却真半吐無言終默豈惟人愛亦自愛不教春惜當誰惜細雨重陰也看來莫對空杖屨相憶

聞蟬

眉菴四十未聞道偶於世事無所好尋常惟愛東家竹屈指十年今不到微軀之外無長物寒

暑一裘兼一帽妻孥屢嘆升斗絕不獨無烟亦
無寵身輕自笑可駕鶴眼明豈止能窺豹人情
世故看爛熟較不如汚恭勝傲有瑕可指未為
辱無善足稱方入妙此意于今覺更深靜意南
風聽蟬噪

送章教諭

鑑湖五月涼風起荷葉荷花香旋先生到縣花
正開濯足船頭弄秋水聖朝復興文武科諸生
習射更絃歌他年大比登髦俊應報新昌縣裏
多

贈道士白紫岩

岩松青巖石紫紫岩仙人躡朱履一簪星斗
月光寒手把芙蓉扣元始巖下桃花樹春巖
前流水泛青蘋前身自是純陽子何用重尋回
道人

高郵新開湖阻雨

殘虹曉落西陂岸雨脚斜飛鷗鷺亂扁舟盡日
畫中行荷葉荷花香不斷船頭老翁一尺鬚斗
量菱角兼賣魚兒能鼓舵女蕩楫何用聰明多
讀書

春愁曲

小樓十日聽雨卧春雲作團拂簾過黃金楊柳

曉初勻雪白棠梨春半破東家蝴蝶飛無數西
隣燕子歸兩箇王閑萬里尺書稀春風不似春
愁大

為包師聖題扇

疎簾半捲絲雨荷葉荷花暗洲渚水近松深
徹夜涼不用披襟搖白羽隔岸人家住綠陰偶
來聽我坐彈琴聊將白雪幽蘭意消盡紅塵汗
馬心

前山夢中有人以雲山高索詩因題四韻覺後
但記其首二句因足成之

前山差我後山從大如龍蟠小如鳳千岩万壑

春雨晴浮雲戴山山欲動平生愛向雲山居漂
泊尚作雲山夢明朝拂袖歸故山萬頃白雲和
玉種

將還棗陽宿別楊公輔東齋

紫簾却寒碧香繞銀燈結花金粟小主人捧酒
起勸賓離別長多會長少明日騎驢鄭圃東白
沙黃葉滿林風知君此際能相憶笑指灯花對
酒紅

七姊妹花

花類薔薇每枝有七花楚人因名之

紅羅闥結同心小七葢參差弄春曉盡是東風
兒女冤娥眉一樣青螺掃三姊妹四姊妹嬌綠

窓虛度可憐宵八姨秦國休相妬腸斷江東大
小喬

聞鄰船吹笛

江空月寒霜露白何人船頭夜吹笛參差楚調
轉吳音定是江南遠行客江南萬里不帶家笛
裏分明說髮華已分折殘堤上柳莫教驚落隴
頭花

題長江萬里圖

我在岷山更西住正見岷江發源處三巴春早
雪初消百折千回向東去江水東流萬里長人
今漂泊向它鄉烟波草色時牽恨風雨狼聲欲

斷腸

湘中四詠

珊瑚島

黑衿紅蓓花間鳥映花一點珊瑚小當時如意
擊東風萬語千言帝未了雕玉籠開出綉楹海
棠庭院雨初晴美人按拍教鸚鵡學得霓裳四
五聲

白鷗

棠梨花開滿山白白鷗飛來春一色黃鸝紫燕
太匆忙不道花間有閑客却嫌香露汗春衣立
向湘江映夕暉鷗鷺相逢莫相妬一双還拂楚

烟歸

鷓鴣

湘江兩岸無茅宇
湘竹陰陰覆江渚
春來未聽一鷓鴣
聲只有鷓鴣啼暮雨
伶渠亦是他鄉客
苦向人啼行不得
縱令行得也消魂
若箇行人不首白

錦雞

暖風晴日融春晝
閑看花陰雞吐綾
綺縠都將綵羽粧
紅絲不待金針綉
疊々臙脂縷々金龍
紋盤錯鳳紋深憑
誰剪作鴛鴦帶相
稱佳人翡翠衿

揚孟載長短句古風歌行

庚戌歲元日立春二首

其一

柳暖已破眼梅寒尚含腮
鵬隨除夜盡春逐歲朝來
鳳凰臺下春歸早龍城柳
色瀛洲草一夜東風雪盡
消千年南國人空老富貴
非吾願文章非我能且沽
白下橋邊酒來看金陵市
上燈

其二

南山雪全消北山雪盈尺
信知南枝花早得東風力
帝城回首春光近柳上梅
邊見春信白玉

林盤內使行紅羅春帖詞臣進貧賤何足惜功名非可誇且沽白下橋邊酒來者金陵陌上花

漁樵問話

君收綸我停斧且向溪頭話今古屈宋文章幾下薪韓彭事業庖中鮒世上功名賤如土何須了了文兼武君貫魚我負芻有酒可換不可沽青山滿眼同一醉勿論區區榮與枯

送陳湖州

蘭若參差桑柘綠細雨岡頭啼布穀人家破產給丁夫麥未下種蚕未熟無蚕催絲綿無麥替稅錢民間此愁誰見憐君侯為我解倒懸

七葵圖

牡葵嚙北葵坐二子就乳三子卧茅簷北風吹辟破衆葵飢號愁雪墮君不見東家韓獪逞捷足朝逐狡兔夜食肉

梅邊讀易

世言麋鹿野我更野於鹿棲遲山嶺間未聽人聲先退縮行隨桃花飲流水白石清泉諧所欲落日雙松薜荔青東風百草糜蕪綠赤城山下養親處五母雞豚三畝井不愁女子識韓休但恐相知非鮑對朝來掃葉繞樹根仰見寒梅破香玉臘意猶封雪後山春光已到溪南屋信知

物理互消長往來天心見於復自取義文一卷
書茅簷坐對梅花讀

掛劍臺和黃子邕韻

生諾諾尚淺死諾諾更深當時李子意即是徐
君心嗟々徐君骨已朽寶劍摩挲在吾手正擬
臨岐解贈君不意挂君墳上柳掛劍果何益聊
以明不欺平生讓國心肯使徐君疑於乎劍可
折臺可隳死生之諾不可移

登繩金塔望廬山

過魯必謁岱入洛須望嵩嗟子夜半出彭蠡月
黑不見香爐峯明登望湖亭雨氣何溟濛山僧

指點笑五老正在烟雲中平生迂味愛幽賞每
有所願天必從茲遊獨不然毋乃人厄兼與窮
今朝躡層梯高標插晴空匡廬遠出百里外紫
翠映帶春霞紅雖云彷彿見顏面已覺浩蕩開
心曾在山看青山佳處時一逢不如迥立萬仞
表一目覽盡千玲瓏何當生羽翰兩腋乘天風
不論雨雪與晴霽四翔上下看此八面青芙蓉

題雙椿堂

大椿葉青小椿葉蕤々堂中兩眉壽共坐春
風裡春風搖々吹紫荆兩翁頭口仍弟兄兄嘗
有孫弟有子兩翁之樂從此始

漠漠山中雲

漠漠山中雲起自山上石天風一飄揚雲與山
俱碧雲差我不出山道人心與山雲閑明朝我
亦乘雲去相遇蓬萊縹緲間

不食秋日山中觀松有感呈醉樵先生

朝廷無遺材而我觀蟠松松高僅尋丈足當高
景山奇雄外惟英華數內實神秀鍾氣食白額
虎勢扶蒼精龍鱗張角折甲爪露兔絲縷絡蒼
花封輪困礫阿盤踞百千狀葉擁車蓋萬箇青
童之東柯西柯尤不同隱若雲鵬離溟渤六翮
始舉扶搖風幾欲飛上天摧碎辟歷鋒魑魅

翹莫敢近上帝素有生念哀貞姿森之凜鉄石
靈響殷之來笙鍾流膏茯苓待琥珀屢起凋瘵
蘇疲癯胡乃尚爾局束勾兵中手持美酒玻璃
紅三酌再拜十八公今之拳拳兀梯世不容公
其正身直節以答上帝忠三辰復朗耀四海無
因窮野夫獻頌蓬萊宮

水雲居為劉文賦時予有山西按察司副
使之命故末語及之

我本山中人看雲三十年白雲如故舊入我秋
堂眠去年莊雲向城市雲亦相隨度江水我留
城市雲還山夢集時見雲起明日驅車上大

行山青雲白樹蒼、憶君茅屋瀟湘上雲滿衣襟水滿塘

題李嵩畫宋宮觀潮圖

十五湖上月十八江上潮君王連日醉伐鼓更吹簫簫聲忽如天上落大內臨江起飛閣碧瓦朱甍十二闌嬪娥歲歲觀潮樂潮水信可定日夕來朝宗人心獨不如而不思兩宮兩宮未雪耻屢下頒師旨白馬素車人何不令天吳磔食大奸醜奸醜不可食國耻不可滌嗟尔江上潮雖雄亦何益潮無益於人看潮徒損神橫江鉄騎來三日飛埃塵曆數固有歸爾潮胡不仁逐令鷺鳳雛戚戚悲殘春春光浩無主花落隨暮雨回首幾秋風旌旗又如許又如許君勿悲古來在德不在險一杯之潮安足奇

送汲縣主簿米孟仁縣在衛輝

我耕蘇臺雲君釣苔溪月萬里西來始識君相見未久俄相別梁園十月草樹稀北風滿地黃蝶一作蝶飛客中送客未忍別感慨握手臨斜暉問君茲行向何所大河之北汲縣古桑棗連晉都邑牛羊近接曹風土縣民出郭迎縣官苦酒味薄粗梨酸道傍再拜勸君飲礼數朴畧仍堪觀知君下馬人爭愛白欄烏帽紅鞵帶百年華

夏盡戎衣忽看中古威儀在父老喜極復淚垂
廿年兵燹悲瘡痍兒孫戰歿骨已朽老眼幸得
逢雍熙人心如此非難治要在從寬布君惠走
犬生斃戶不扃牛租減額人長醉嗟我前月除
棗陽八門野蒿如屋長日斜吏散公宇靜時有
雛雉來飛翔方除瓦礫治官道已見居民歸稍
自愧才疎撫字勞羨君年少飛騰早清霜一夜
滿河冰此別伶仃白髮增主簿官卑君莫厭鵬
程九萬自茲昇

苧隱詩為句曲山人翟好問賦

種桑百箔蚕種苧千疋布先生種苧不種桑布

作衣裘布襦袴桃花雨晴水滿塘烏紗白苧春
風香野蕉山葛不敢並越羅川錦爭輝光兒輩
漾紗妻紡織賣布得錢還買帛黃紬大袖一冬
溫雪白中單半襟窄今年苧好畝百斤堆塲積
圃長輪困床頭白酒夜來熟殺雞煮鴨邀比隣
東家種桑青繞屋官綸未敷空杼軸婦姑相對
嘆無衣先生飯飽方捫腹

九日素贄府松軒賞菊

自我離姑蘇已負兩重九不獨無錢對菊花白
酒黃花兩無有前年九日吳城破廿口倉皇驚
竄走去年重九客棗陽淚眼西風時衰柳那知

此日來勾曲山水自佳漸白首到處逢人索佳
菊預恐無花孤此酒東隣送我青兩株細蕊合
苞香未剖柰可無花及無酒不憤有菊成不偏
丞家數本花正繁秀色幽香照窓牖入門一見
清興發亂插烏巾開咲口主人抵掌恠我狂我
自有得忘老醜三年僅逢一賞樂此後寧知不
愧負便須築室買山田種菊循籬林百畝年
釀酒薦秋芳咲引妻孥壽慈母世事茫未有期
聊作長詩示佳友

賦得錦帆涇送夏仲信之江北
客舟不肯停相送錦帆涇涇邊數株柳株之落

秋聲當時種柳臨涇水柳葉參差間桃李君王
日暮看花回一色錦帆三十里朝從涇上出暮
從涇上歸吳哥聽未了花落鷓鴣飛花飛鳥散
春無跡涇上叢春草碧自是君王愛捧心美
人那得傾城國古來奢麗那能久菲衣惡食傳
不朽君過長淮向汴河請君更看隋堤柳

春賦捕雀圖

棘針紅尖竹裛一雙春禽戲春草百賦何處
忽飛來利翮如鈎破禽腦春禽引雛肌骨瘦不穀
春賦一朝飽一朝飽尋復飢春山鳴臭如蠟肥
如搏臬飽終日留取春禽引子飛

癸丑二月十一舟抵武昌是夜風雪交作
向曉雪深一尺日登黃鶴樓賦此

平生不願萬戶侯亦不願識韓荆州但願武昌
連日雪日、醉登黃鶴樓樓前絕景冠今古况
有繽紛雪花舞玉對叅差認漢陽瀛洲浩蕩迷
鸚鵡江頭兒女走欲顛謂我自是騎鶴仙白雲
飛盡黃鶴去此景不見今千年我拍闌干為招
手世上神仙果何有桃李無非頃刻花江湖盡
是逡巡酒他日重來五百春樓前花草一翻新
相逢不識純陽子何用重尋回道人

野雲樵者

朝出雲在野莫歸雲在山十年事樵採朝暮雲
其間空谷無人雲泚泚斧聲丁丁四山響曾有
仙人石上棋千歲桃花繞反掌白石礪我斧丹
楓裁我柯浮雲去盡青山晚柰此猿聲鶴夢何

憶左掖千葉桃花

穠李積皓雪繁桃炫朝霞江邊日、見春色春
色盡是尋常花東闌一樹能傾國千瓣玲瓏誰
剪刻半吐疑紅却勝紅全開似白元非白傍觀
試淡正復濃雅宜稱月閑宜風陰晴曉午各異
態嗔喜頰笑無不工嗟我匆、薄書急時復微
吟對花立白苧猶沾夕露香青鞋不怕蒼苔濕

而今飄泊楚江濱想像丰儀一愴神惆悵當時
看花伴對花還憶去年人

鴈

春渚別未久秋風來有期年々燕歸日是汝度
關時玉闕萬里音書絕八月胡雲三尺雪行々
飛來漢水頭湘浦蘆花洞庭月花滿寒汀月滿
塘鴛鴦鴻鵠兩相忘啼晴杜若叢邊雨卧冷蕪
葭葉上霜

白頭母吟

白頭母烏頭婦婦姑啼寒抱雙股婦哭征夫母
哭兒悲風吹折庭前樹家々有屋屯軍伍家々

有兒遭殺虜越女能嘲楚女謔吳人半作淮人
語東營放火夜斫門白日橫尸向官路母言我
儂年少時夫妻種花花繞蹊夫亡子去寸心折
花窠花窠成瓦埽十年不吃江州茶八年不歸
姊妹家蘭芽菊本已凍死惟有春風薺菜花只
憐新婦生苦晚不見當時富及奢珠簾臺榭桃
花塢笙歌院落王家府如今芳草野鶯啼鬼火
燐々日未西儂如葉上霜死即在奄忽新婦顏
如花春來瘦成骨婦聽姑言泪如雨妾身已抱
橋邊柱縱使征夫成不歸芳心誓不隨波去
送劉子遠歸廬陵

宮槐陰陰鶯啞啞細雨楊花飛不得朝回把酒
問東風不獨送春兼送客留春且為行人飲世
間萬事邨鄣枕但得還家莫厭貧君不見十載
異鄉空衣錦

送安宅書院山長張宗武

溪頭梅花冰雪妍弟子送師張別筵綠莎為茵
柳為幕次第再拜春風前春風東來吹馬耳馬
蹄咫尺長安市盡道先生自此昇君不見三鱣
堂中楊伯起

送孫照庵往松江

吳門花似雪適與佳人別別離苦不遠相看寸

寸心絕前年送君去練川花滿樹今年送君游
吳松江水頭吳江三百里清蘋涵白芷樓船五
色旗煌煌照江水潮來江水明潮迴江水平江
頭兩啼鳥勸君莫登程君家高堂親已老為子
不宜長道歸來為問汲江人舊時楊柳今多少
詠五色茶蘼

東軒五色茶蘼豫章絕品也余朝出暮歸

不得至花所三月十六日出掖頗早因

曳履過花下時花爛開大者如盆孟小

者亦數十層紅素細碧五彩輝映標度穠

艷迥出衆卉今歲看花首得左掖海棠

經得北闌千葉水紅桃花皆絕竒不凡
綠陰青子中有此異種自謂不孤春色
矣喜極枝痒歌以識之

朝出月在牖暮歸星撒沙今朝下馬日未晚見
此五色茶藤花千葩万萼春無價綺雲緗雲堆
滿架題品當歸芍藥前溫柔肯在薔薇下我愛
名花天下無中吳之水四腮鱸誰將十樣天孫
錦織取徐熙沒骨圖

九峯行

九峯山頭白雲飛飛來化為遊子衣遊子思親
去不返青天漫白日日晚父骨未入土兒心安

可休恨恨天河水夜夜東南流東南流向何處
去向九峯山下住九峯九朵青芙蓉古今累馬
鬣封父生有身死有骨何當函置白雲中豈為
吳淞山水好父骨未埋心未了而今結廬向墓
傍休官甘就吳淞老南風吹送孝廉舟買地千
金何足酬白雲倚門兒子去三江明月夢悠悠
過劍江聞岸上雞鳴時已三更

劍江光似劍霜月寒澹輕舟載月江上行幸
夜雞聲起茅店寒雞自啼人自寢雞聲不到黃
公枕

癸丑元日雪積陰至人日大雨

霏元日雪脉。人間雨春來無日不輕陰。薄霧寒
雲滿南浦。常年有雨復新晴。澌氣韶光淡。繞城
草色未迎金埒馬。柳條先應玉樓鶯。今年風雨
兼冰雪。忘却春旛慶春節。野杏緘愁待酒催。江
梅索笑邀人折。誰與觀雲卜大通。且須卜穀問
年豐。相期十二樓前月。賸看花燈萬點紅。

舟抵南康望廬山

春山如春草。春來無不好。况是香爐峯。百疊屏
風圍五老。嚶嚶谷鳥哀。朱粉山花開。芙蓉削出
紫霧內。瀑布倒瀉青天來。船頭看山重。回首世
上虛名一盃酒。李白雄豪絕妙詩。同與徐凝傳不
朽。明日移舟過洞庭。蘭花斑竹繞沙汀。摩挲老子
双愁眼。細看君山一點青。

彭蠡阻風

昨日南風顛。輕舟掛帆如飛仙。又如快馬向空
闊。造父王良相後先。今朝北風吼。白浪飛花大
如斗。舟人勸客莫匆匆。君不見世間快意那能
久。

包師聖七言古風歌行

九日與董彥德周彥平蔡元祖三友登高
維南崇山與天久。碑斫竒峯接星斗。一峯町疇
如掌平。云是當年舜井畝。吁嗟茫昧非吾知。故

老相傳萬年口清秋慘淡蒼梧雲感古傷今重
回首捫蘿躡磴上上頭磊落襟期二三友仲舒
眼開空四海俛仰悲歌擊在缶竹西唾傲鍾山
願林下窮經貧獨守昶也超絕中郎才掉頭不
受膏梁誘西風落帽龍山遊我行不作前人後
汲泉敲火移行厨百壺傳送如泉酒深盃叢興
客丰酣句落珠璣驚捷有片雲將雨催詩章倏
忽東西變蒼狗翻愁荆深豺虎暝禍福於人如
反手青山不却登臨頻復遊底問須重九鼎共
行樂當及時泯滄江夜東走

琴歌

澤陽之桐園客絲其山之玉參為微功成匠石
出好手百工未有光般僂法天象地託造化脫
繩穎墨論毫釐龍池瀕洞通八風鳳池鴻濬則
四時大絃如君小絃相調宮訂徵伶倫夔重華
天子鼓德音南風一闋民熙孔林洋溢杏壇
曲素王聲教流蠻夷於戲去聖遠千古至今禮
樂猶存規相傳十操繼絕唱後世不無鍾子期
空山翫弄明月底太素無聲淨如水從容緩奏
白雪訝窈窕清香度崖裏和如高岡鳴鳳凰急
如龍門躍鱣鮪哀如湍瀨瀉寒泉暢如春風吹
百卉翕如簫韶終九成清如夷齊首陽死理絃

重寫別鶴心扶搖縹緲低欲沉迴翔暗去不
去彷彿湫底聽龍吟天風蕭颯毛髮竦慙栗慘
切懷難任罷彈呼酒洗磊砢坐送明月歸西岑
白石山歌
王公東來謁西母携取蓬萊一杯土當時擲地
不化塵老作青嶺一版玄龜黃鶴幾迴死白
石離離度千古衆山聳牙萃相仰此山淡然卑
且俯焉知鍾抱神仙氣隱伏不與隣峰伍或時
碧落下雲旗羽衣金節天香吐我來蕪南結茅
屋屋前不輟義和轂令威翻白白日歸李生寤
寤骨吹梁熟海上浮槎風浪高滂此烟霞始願

是山有靈再拜告看身何地無林丘蛇豕畫行
孤夜哭狐之哭兮妖欲萌蛇豕有行思肆毒所
以與爾山相依猶骨肉翠竹蒼梧日應長苗護
高枝鳳凰宿

蒲石歌

鶴洲野人頭半白愛酒耽詩久成癖分得仙火
九節蒲儼鑿蓬萊一拳石昔時好石來家葦
第殊名人莫識君今所歲無乃是復令見者久
愛惜山窓有石晴雪峯種樹十年不盈尺蒼烟
細雨晝不散小穴如瓜靈苗翠如織勁如柱士三
千人甲冑紛森劔戟如嵩華倚秋空大峯

小峯勢欲敵自知山野體不動蓄石養蒲何齊
人天街縉紳多俊彦看花紫禁承新恩致身豈
容不盡力

至尊旰食惟憂民民畊且食咸欣我蒲與石
同天真我蒲與石同天真

包師聖長短句古風歌行

行路難

至正己亥流離吳中賦此以示諸友

有壺且勿擊有絃且勿彈聽我長歌行路難攬
槍熒惑光照地長蛇巨豕行人間文昌辟易不
敢動麟鳳逃跡慚無顏氣侵昏閭閻我欲
叫開天步難豈無鹿門之居相與麋鹿伍

青兕等於虎豈無五湖之舟載我江海遊鯨吞
鼉作無時休天高冥冥不得上江海不可遊山
林不可養栢六尺軀安能學蚯蚓入地食槁
壤手擎太白嗜松醪酒光照人山月高一飲收
然開鬱陶再飲壯氣凌青霄拔劍斫地肝膽露
我輩齷齪埋蓬蒿大夫弧矢四方志九萬鵬程
頃一朝

苦雨嘆

江天十月秋已歇掣電飛光怒雷發闌風伏雨
繼經旬晝夜不得見日月隱君只在溪橋西欲
往相從但愁絕出門十步復入門不是愛惜青

鞋襪塔前掃地茵更生窓下籠衣香易滅波光
溜遠接天恠石懸崖欲崩裂過鴈低空濕不
飛黃花紛披強猶活青山如龍或入雲江對依
稀暗無別林下書生自讀書亦憂稼穡心煩熱
諸公但飽大官羊吳農痛苦膏腴竭洪波頃洞
今年春大地禾苗盡漂拔賣衣得錢供饋餉全
家託命車下轍嗜顏老嫗氣如絲鶴髮矍翁泪
垂血豐登滿擬在茲秋復見田疇蕩流決旱禾
生耳少成收晚稻寒陰實不結盡輸官賦猶得
將一年生計今冬缺方今儲糧國所重縣催
租不容說嗟哉斯民困窮久白面書生情所切

安得今人有能煉石手直上層霄補天漏又安
得長劍斬取蛟龍頭為除四海蒼生憂

賦吳知州祈雨有應卷

南風吹沙暗山谷炎威着人如瘴毒六月江村
未嫁稊十日不雨民無殺我州太守憂民憂何
以求之誠以告焚巫暴疋守不為神丁搗訶動
陰軸靈雨垂自天降三日不斷齊沾足山川
生輝草木蘇四野謳歌滿疇綠城南畊學農起
為太守歌不歌徐州刺史雨期公為霖作滂沱
我邦我土樂且和我稷我黍繁且多蒼天雨我
珠玉何蒼天雨我珠玉何

傷春曲

春之夕風雲不生水波不興月明如畫
四顧寂然客愁併集興味落寞遂焚香
詠詩以自遣久之灯昏夜分隱几成卧
夢入故鄉池臺花木宛若也因仰而歎
俯而吁以成此曲云

我生之初海宇平至尊神聖官曹清官曹不擾
政不苛春風處聞笙歌我家住近芙蓉城美
蓉城東花冥之間閑山鳥弄晴書春光如海飛
絲輕此時遊人如蟻列青聰嘶春啼鳥歌玉缸盛
酒紅生波金盃行繪璫飛雪深杯百罰初半酣

花枝參差醉眼纈誰知人間有亂離千年城郭
人民非空田日落群鬼嘯古木霜冷孤梟啼豺
狼怒伏不可處鈎牙牽鼻咄人肌身全自荷皇
天慈十年飢走荒山溪一絲獨釣滄江雨時與
野老同襟期丈夫富貴亦有時春光淡沱中心
悲心莫悲人將嗤對花酌酒仍哦詩詩成發浩
歌擊碎珊瑚枝歌罷聽者誰明月光凄凄

三先生詩卷之十

悲心莫悲人... 天際十羊... 泉飲... 入因... 蘇... 悲心莫悲人... 天際十羊... 泉飲... 入因... 蘇...

三先生詩卷之

其一

江陰朱紹同弟積編輯

高季迪五言律詩

郊墅雜賦一十首

其一

器似臨印定耕非鄆杜田已償輸稅米未覓賣
文錢把卷憐長日看花愧少年脩然閉門處揚
柳桔槔邊

其二

移家非遠謫幽處似愚溪窈窕花蕪竹縱橫水
帶畦窓明蚕箔暖屋小燕巢低有客如尋我龜

蒙舊宅西

其三

入夜潮侵戶經秋雨壞垣里人淳少訟田父醉
多言稻蟹灯前聚莎虫機下喧自應耽野趣不
是忘鄉園

其四

移家到渚濱沙鳥便相親地僻偏容懶村荒却
稱貧犬隨春饁女鳥喚曉耕人願得無愁事閑
居老此身

其五

江水舍西東隣家是釣翁路痕深草沒井脉暗

潮通籬隔蔬邊雨門開竹下風不因時買畚何
事入城中

其六

借宅傍東圻閑尋舊釣磯雨朝楊柳暗風午稻
花稀偶道羞稱隱初來諱問歸儒冠恐驚俗學
製野人衣

其七

紛紛謝人役寂寂恋吾居細雨春雲後斜陽社
飲餘岸花飛趁蝶池葉隨驚魚好了公家事休
令吏到廬

其八

亂渚交交白平蕪漫漫青賣薪沙店遠祈穀水
祠靈密雨侵蓑重微風過網腥江邊多酒伴春
去不曾醒

其九

野色迥蒼蒼開門葉滿塘僧來雙屐雨漁卧一
船霜靜裏脩香傳閣中錄酒方平生當世務到
此坐成忘

其十

何處可徘徊林間共水隈夜歸家犬識春睡野
禽催有地惟栽藥無村不見梅興來慚獨飲時
喚老農陪

夜訪芭蟾二釋子因宿西澗聽琴

清夜獨幽尋岩扉落葉深許携陶令酒來聽穎
師琴人醉月沉閣鳥啼風滿林應留西澗水千
載馮餘音

與劉將軍杜文學晚登西城

木落悲南國城高見北辰飄零猶有客經濟豈
無人鳥過風生翼龍歸雨在鱗相期俱努力天
地正烽塵

哭臨川公

身用已時危衰殘况病欺竟成黃犬嘆莫遂白
鷗期東閣圖書散西園草露垂無因奠江上應

負十年知

過胡博士郊居

頭白蘭陵客幽居共一村
老來吟力退貧去告
身存夕吹鳴梨葉秋泉注
稻根時因來問筮獨
叩樹間門

曉步園池

髮隨秋葉落心共曉雲舒
稍改新題句渾忘舊
讀書林爭移樹鳥池響
食萍魚無限悠然意涼
天獨步餘

送陳則

挾策去誰親侯門不禮賓
愁邊長夜雨夢裏少

年春樹引離鄉路花驕失意人
一杯歌短調相

送欲沾巾

兵後出郭

俯仰興亡異青山落照中
民婦隣樹在兵去壘
烟空城角猶悲奏江帆始遠通
昔年荆棘露又
滿闔閭宮

早春侍東駕遊東苑池上呈青坊諸公

銅輦出紆徐春宮畫講餘
戟煩郎將衛簡授大
夫書草長園鳴鹿冰開沼
躍魚從遊伴商皓忝
竊愧何如

城西客舍送周著作

客中寒食後惆悵送均違花隱歸城旆風吹渡
水衣夜窓炊黍散春苑開茶稀誰念西齋雨相
思獨掩扉

謝賜衣

臚呼遙捧賜服拜望蓬萊香帶爐烟下光迎扇
月開奇文天女織新樣內工裁被澤徒深厚慚
無奪錦才

西清對雨

楚臺雲起遠漢苑雨來微曉濕宮城旆寒沾陛
楮衣溝中隨葉墮爐畔帶烟飛坐詠西清暇君
王召對稀

夜宿太廟齋宮

烏散廟墻空清香肅闕宮太常齋禁密列祖享
儀崇井叩銅瓶月墀鳴玉佩風聽鐘候車駕庭
燎已曛曛

送秦王使客遷侍儀使

蕃客來曾識衣冠上國風承恩趨北闕罷直出
南宮導駕爐烟裏催班漏點中時清多奏頌還
向閣門通

春日退直呈禁署諸公

待詔直東華歸休每日斜職連詞客苑俸入酒
胡家笈網長縈絮庭磚欲過花知君未出院應

早侍中麻

寓天界寺

雨過帝城頭香凝佛界幽果園春乳雀花殿午
鳴鳩萬履隨鐘集千燈八鏡流禪居空旅跡不
覺久淹留

送進士夏尚之歸宜春

淒涼庾臨府老去復如何故國歸鴻少新朝振
鷺多菊荒應自嘆麥秀竟誰歌相送堪愁思蕭
蕭楚水波

早出鍾山門未開候立久之

關吏收魚鑰趨朝阻向晨忘鳴雞睡熟倦立馬

嘶頻析靜霜飛堞鐘來月墮津可憐同候者多

是未關人

雪夜宿翰林院呈危宋二院長

偶伴玉麈話寒宵宿禁林院鈴風外靜宮漏雪
中沉絳蠟消吟蠟青綾擁賜衾明朝陪賀瑞銀
闕曉光深

夜逢故郡賀冬使胡浦二博士同宿

會宿本無期欣逢兩舊知問年驚別久候曉畏
朝遲寒溢高城漏陽回上苑枝明朝使事畢歸
騎又天涯

送範翰林遷官陝西

臺坡初罷直西去惜離群載筆唐供奉褰帷漢
史君濁流河驛雨高樹嶽祠雲公暇應懷古登
臨賦交曠高會前本桓簡公廟西會前本桓簡公廟西
荒林慘淡中岩馬欲嘶風功在會前本桓簡公廟山留碣威存廟
掛弓飢鴉迎祭客走鼠駭巫童千載宣城道人
憐內史忠會前本桓簡公廟今會前本桓簡公廟風會前本桓簡公廟不會前本桓簡公廟精官會前本桓簡公廟
路出桂江東鄉音想未通蛇飛山苦霧鵬運海
多風木魅長欺客花蠻少學農縣廳何處在椰
葉晚陰中會前本桓簡公廟同會前本桓簡公廟同會前本桓簡公廟同會前本桓簡公廟

送潘巡檢之閩中

京師到閩海秋色幾程餘
莎柵山兵守榕林島
戶居曉衙鷄應鼓晚
邏騎隨車清世元無盜
將軍好讀書

送思上人

名林雖盡廢南去只隨緣
野飯晨留鉢城鐘夜
到船虎馴應畏法鳥喚
不驚禪他日期相見高
峯舊塔前

和包師聖同知過來石

山暝斷磯頭猿聲兩岸愁
柳間娼女酒月下估
人舟擒虎嗟橫渡騎鯨想
醉遊停撓正懷古風

急葦花秋

送宿衛將出守鄧州

中郎身領伏宿衛在承明舊射雙鷗落新乘五
馬行紅雲遙魏闕白水近穰城好勸諸年少春
來賣劍耕

京師寓廨二首

誰言舊隱非靜裏且相依綠樹城通苑青山寺
對扉官閑休直早客久夢還稀是物春來興惟
存舊賜衣

幾夜頻聽雨經春不見花蘼蕪青渚燕楊柳白
門鴉拙宦老機遠工吟癖性加閑坊車馬少不
似伴京華

西園閑興二首

看到竹過隣園林獨卧身鳥聲閑似夜人意倦
如春殘雨驚池葉斜陽照燎塵如何堂上客不
及燕來頻

當路關追攀端居自掩閤聽鐘知近寺看畫憶
登山曉搯風林下宵吟雨閣間天應憐我懶獨
與少年閑

次楊孟載雨中池館

墻陰過綠枝池影散清漪有雨萍生徧無風絮
下遲窰成蜂戶閉泥落燕巢欹君病知多日床

琴盡網絲

送石縣尹赴崑山

茂苑行春罷携琴又向東潮聲數里外山色半

城中帆帶桃花雨衣翻柳葉風甚夷聞善政為

有船船通

題楓橋送別苗送丁文學

紅葉寺前橋傳君晚去橈醉應忘世難歸不計

程遙山隱初沉日風催欲上潮離竟來此處還

似灞陵

曉晴步眺次韻蔣用文

江明岸雨收樹暗一村幽籬落疎麻長田畦曲

水流禽暮初變夏麥氣欲成秋閑步看時物

朝散旅憂

櫻桃

密綠映園紅枝頭的的同熟迎梅實雨落值柳

花風美女名偏稱流鶯啄未空憶曾春薦後棒

賜出深宮

夜過江上

江白露初零荷花夜滿汀鷺迷沙上月螢亂水

中星旅色隨程見漁歌帶夢聽何當從此路乘

興入滄溟

秋夜不寐懷王校書

燈暗獨吟餘疎桐月滿除蟲寒初八戶鼠餓欲
侵書河漢三更望江湖兩地居相思無去夢今
夜恨何如

晚次西陵館

匹馬倦嘶風蕭蕭逐轉蓬地經兵亂後歲盡客
愁中曉渡回潮急寒山舊驛空可憐今夜月相
照宿江東

留別海昌李使君

梅發津亭北春隨使節迴線多遊子服酒滿故
人盃鐘送橫江雨車盤出峽雷平生感知已臨
別更徘徊

喜高呂二士見過江館

非君憐夙契誰肯顧柴門日短清江路風高大
樹村交呈新著藁同裝舊藏樽莫便尋歸棹心
懷未盡論

悼女

慈養常多闕艱難愧我貧淒淒臨歿語的的在
生親遺佩寒江月殘燈夜室塵中郎他日藁留
付與何人

賦得煮藥

葉燥井泉清山窓藥在鐺燈前看火候枕上聽
潮聲味熟吟方就香來病已輕何時採芝朮養

得羽翰成

詭柳

何恨苦長顰
纖姿嫵媚春
慣愁行路客
羞比舞
送人亂葉斜
斜雨狂花袞
袞塵殘蟬來
噪日應
落漢潭濱

隣家桃花

春色東家出
相窺似有心
曲垣遮自短
別院閉
還深影動疑
人折香搖妬
蝶尋好風時
解意吹
片拂衣袵

泛泛滄波裏
全家寄一船
曾來屈澤畔
或到孔

壇邊蓑帶春
江雨柳鳴晚
浦烟得魚尋
水店換
酒莫論錢

樵

山中朝佩斧
遠路入烟蘿
伐木驚禽起
穿雲畏
虎過石根供
倦憇谷口應
高歌莫看仙
人奕歸
來恐爛柯

耕

春郊起東作
耒耜出柴荆
柳下烏犍飽
桑間布
谷鳴家人供
遠餉刺史勸
深耕已卜豐
年兆朝
來好雨晴

牧

一笛去茫茫平郊綠草長但知牛背穩應笑馬
蹄忙度隴衡朝雨歸村帶夕陽相逢休扶冊回
首恐亡羊

堯峯院

堯帝何年到名猶在此峯岩留十尺井寺設兩
時鐘僧出因尋箇人來為看松白雲深澗裏聞
有聽絃龍

圍碁

偶與消閑客圍碁向竹林聲敲驚鶴夢局罷轉
桐陰對坐忘言久相攻運智深此間元有樂何
用橘中尋

效唐人贈邊將

翩翩越騎將負勇出山西射虜誇猿臂封侯賭
馬蹄堆烽河外暗伏幟草中低欲雪憑陵耻須
擒左谷蠡

送董湖州

五馬貴專城池羔赤綬明政條民乍識賦籍吏
初呈山籠翰茶至溪船摘芟行非將茗嘗水難
比使君清

江上寄王行校書

窠落舊歡違江邊獨掩扉隣家聞暮笛客舍試
春衣宿鳥歸山亂行人渡水稀相思比花絮斜

目繞城飛

送越將罷鎮

楚客佩吳鴻臨邊最有功讀書圍壁裏賭酒射
堂中旆出莎城雨笳吹柳浦風越人相感意應
與暮潮東

送孫主簿之德清善琴

山水匝秋城君行思已清道逢迎吏拜田雜戍
人耕地遠知邊信家貧稱縣名應携一琴去相

和長官鳴

送王才婦錢塘

南婦猶落魄北上已蹉跎草草官亭酒勞勞客

路歌親知今日少山水故鄉多七首空畱在酬
息竟若何

送長洲吳縣丞陞吳縣令

青山隔苑橋改邑去非遙官食新添俸民傳舊
布條稻花迎午放荷葉待秋凋寂寞長洲路空
聞五殺謠

冬至夜喜逢徐七

君來同客館把酒夜相看動是經年別能辭盡
夕歡雪明窓促曙陽復座消寒世路今如此懸
知後會難

送淮東史丞之海門吏

黃茅連霧雨此地久荒涼日出岵夷近江通渤
澗長改官非謫官到邑是還鄉海上遙聞說歸
人已裹糧

草堂夜集

山家具雞黍夜寒故人期暫喜逢歡會都忘在
亂離火寒移坐密燭盡得詩遲莫聽高城角明
朝別又悲

送茅侯

欲知難別意孤棹去還停候吏分遙迹離人雜
醉醒城臨秋水渡樹帶夕陽亭後夜看吟燭憐
君宿郡廳

送姚架閣之任

芳晨帳別筵新柳驛亭前客散春城酒人登暮
雨船江樓先見日郡界遠臨邊到後安民俗應
知從事賢

送著作胡鉉遊會稽

山水獨行遍茗溪仍剡溪衣逢新火減身度雜
花迷黃絹尋碑讀紅裙賭墅携清遊不能共腸
斷聽猿啼

送陳郎中出守雋李時值暮春

出幕方為郡行車動畫輪圖書歸省吏風信問
州人塘水龍鱗細城槐鬼目新莫言花已盡君

到自陽春

吳中送顧生歸海陵

涼風初變柳歸興片帆孤家向三秋到田經幾
歲蕪舊音猶帶楚新夢未離吳明日江南北相
思有鴈無

園中

席暖林中憇衣涼水上歸腐瓜虫食徧空樹鶴
巢稀邂逅幽尋得參差薄領違喜無來往者秋
草沒園扉

宴王將軍第

流水通侯第行雲傍妓臺雨催牙仗散風引羽

觴來曲學移聲按詩隨得韻裁莫令遊宴歇次

第過花開

賦紈扇送周復秀才

不畫乘鸞鳥女應憐素質新雪機絲落早風塵讓
揮頻席上曾歌怨窓間或掩曠何如為君子遠
路障埃塵

送翰公住靈岩

離宮遊路絕名寺道場開我昔題詩去爾今談
法來茱萸垂澗戶菡萏葑池臺興壞俱空幻登
臨不用哀

客館秋懷

獨卧愁空館，陰野豆開暑。將潮氣歛秋，與竹
聲來身賤多。違志時清少，棄材慚非張。仲蔚門
戶有蒿萊。

送賈進歸省

年少擅詞華，曾看手八叉。晨裝歸路雨，春酒別
筵花。馬帶雲過嶺，人同燕到家。罷官趨覲好，不
是謫長沙。

贈衍師

石橋尋禮罷，歸住白雲層。法悟經慵讀，年衰塔
倦登。青苔生砌，鋤黃葉翳龕。燈我欲相依，老前
身恐是僧。

圓明佛舍訪呂山人

憐君不出院，結夏與僧同。陰竹行廊遠，香花掩
殿空。飯分齋鉢裏，書寄箴函中。茶宴歸來晚，西
林一落風。

荅宗人蘆夜飲王氏池亭見懷

遙聞池上飲，涼夜失炎天。酒碧傾當竹，衣香坐
近蓮。沿波人弄月，翻樹鳥鳴烟。座上誰相憶，惟
應是惠連。

賦得蟬送別

踈槐細柳中，涼占一枝風。蛻出形猶弱，驚飛響
未終。雨來林館靜，日下驛門空。離管樽前發，淒

涼調正同

送博士唐爾移家雋李

楊柳叢初齊春陰廢苑西故人乘醉別新鳥傍
愁啼舟重全家去詩多一路題杏花開北郭誰
復共招携

贈妓

樂籍小名收侯家舊主謳吟能捺客喜醉肯逐
人留蝶識薰香氣鶯慚度曲喉更憐諳酒令少
日住揚州

沈鉉徵士野亭

清時猶在野獨卧見高情移艇聞烟唱釣簾看
雨耕江晴雙鶴下樹晚一蟬鳴回首徒相憶
車不入城

寄錢塘諸故人

年少客名都狂遊每共呼荷深箬在舫竹靜矢
鳴壺明月潮千里殘陽雨半湖故人能念否歡
意近來無

送烏程馮明府

青山看下南一騎入晴嵐縣治琴声古泉香酒
味甘竹欄春護鴨葦箔夏分蚕大小馮君後傳
家爾最堪

井邊雙玉樹高翠自生涼影散秋雲薄
聲喧夜雨長踈陰飄碧簾
隨葉響銀床綠綺誰能斷
持將奏鳳凰

池上晚酌

夕陽踈雨歇團扇送涼過竹裏方啼鳥
池邊尚浴鵝脫巾懸峭壁流竿逐回波
六逸當年樂何如此處多

簾

蠻藤巧織成乍展覺秋生
紋感寒波細光搖夜月明
坐令葵扇棄眠稱石床平
須信南窗卧爽天夢亦清

溢浦聽琵琶面

秋夜相逢處，閨愁雜宦情。
四絃風共拂，兩掉月同明。
司馬青衫濕，佳人白髮生。
至今溢浦上，楓葉尚哀聲。

北山雲霽面

山勢識龍蟠，香臺擁翠巒。
草堂猿嘯晚，蕙帳鶴驚寒。
雲覆梁僧榻，苔封宋帝壇。
昔年遊歷處，今向畫中看。

水殿面

波影透闌干，清虛似廣寒。
荷香臨檻挹，月色捲簾看。
夜靜聞清吹，涼多却素紈。
宴酣催薦鱸，銀

縷簇金盤

林泉避暑

自愛垂藤滑，閑舒卧石苔。
松風驅暑去，竹月送涼來。
石氣生琴薦，泉香入茗盃。
却怜行路子，愁暍向黃埃。

觀鷺

交睡春塘暖，蘋香日欲曛。
嫩怜黃似酒，淨愛白於雲。
擊亂思常侍，籠歸憶右軍。
滄波堪遠泛，莫入野鳧羣。

同傳著謝徽，夜過句容尋素承。
不值宿

圓明十八院

不遇松廳客山城誰與親尋投十八院寄宿兩
三人澗石支床穩松風漏燭頻依禪嗟暫寐明
日又京塵

寄杜徵士

花開記別離花落正相思交誼多年善鄉愁近
日悲我方畱上國君豈老明時試問江干閣登
臨復共誰

挽顧夫人

避亂逢今日居孀念昔年塵埃初嫁鏡雨雪未
歸船有子隨行旣無人與葬錢束芻何處吊衰
草暮江邊

周隱君婦東臯視田宿江上有詩見示

因次其韻

孤棹隱迴汀潮來夜自鳴杜年身獨賤初客夢
多驚曉枕看星起春犁待雨耕有田吾亦去何
意在州城

寄沈校理

風雨清明後春寒未夾衣閉門聽鳥盡入寺看
花稀獨酌愁難去相思夢欲飛艱難宜數見何
事却長違

答周著作暫歸鴻山留別

當年鬻鬻春地亂後幾人歸白雪凌新句青山識

故衣聽雞臨水驛防虎閉岩扉未用多惆悵知
君只暫違

聞隣家琵琶有感

清唱合琵琶當年碧王家弄殘催酒急抱重向
燈斜久別愁江樹重聽隔苑花泪多思舊事不
是客天涯

和楊署令

養疾深扉掩還應謝俗交鳥多風和語葵晚雨
緘苞印向閑廳鎖鐘聞近寺敲相思愁暮靄高
樹古城均

賦得紈扇送周秀才

價重過蒲葵齊紈皎素姿巧裁初學月微動已
含颺螢憶塔前撲蠅看座上麾贈行雖去遠應
得手常持

贈呂醫士

藥院閉閉朝烟生積券燒求真遊岳遍訪病出
城遙收穀寧煩僕尋苓或遇樵世方多內熱一
七倘能消

送易從事祖飲南渚

踈楊映老荷別處宸秋多送客年々路愁人日
日波霞明添醉色風急斷離歌莫為官程促青
山易看過

飲西園偶然亭

晚酌櫻桃下散來不柰春那知醉後客猶是亂
中人雨霽飄還細花寒破未勻江皋舊遊路回
首莫沾巾

送朱從事之吳興

擇褐方從宦青山故郡隣草深湖帶雨花晴驛
藏春鼓聚祈垂女舟逢射鴨人幕中應久待徒
此惜離辰

徐山人別墅

茶香孤墅發竹色四隣分掃地侵虫字開窓散
鳥群樹涼池過雨苔潤石生雲我出無車馬偏

宜訪隱君

題醫師王隱君墓表後

孤身別楚水客鬢已蒼蒼竟賦招魂些虛傳續
命方悲風栢隴小積雨藥園荒生感雖能悟看
碑亦感傷

甘露寺

勝地江山壯名林歲月遙剎藏京口樹鍾送海
門潮月黑龍光發天清蜃氣銷何當尋狼石閑
坐話前朝

送張羽

閑齋聽鍾坐憂緒悵多端鳴鴈雨中急誰人江

上寒秋灯下木葉夜艇隔風湍別後情蕭索方知舊會難

送錢氏兩甥度嶺

吏送投荒去應啼下瀨營一家十口散萬里兩人行洞獠欺商市山魃喚客名江邊南望泣不盡渭陽情

江上早發

蒼蒼汀霧起何處望高城遊子曉初發居人寒未畊犬鳴林月落魚躍浦風生已有先行者烟中聞棹聲

客舍喜姪庸至

客裏逢人喜相過况向宜遠遊驚馬歲晚多難惜門衰帆落江橋近鍾來野店遲一杯灯下語渾似在家時

哭周記室

萬里一羈臣悲歌楚水春謾期重會面竟作永傷神主祭惟孤姪收詩有故人獨揮聞笛泪斜日下西隣

盜發漢侍中許成墓

古塚竟誰穿虛傳錮最堅玉魚宵已出石獸曉猶眠長夜俄看日出臺不掩泉須知摸金者亦到漢陵前

夜投西寺

江月上秋衣來敲遠寺扉
栖禽驚客至睡僕訝
僧歸鐘度行廊盡
燈留浴院微
非無招旅館
禪寂願相依

江上答徐卿見贈

烟樹遶松陵扁舟晚獨乘
江昏連渚霧野白滿
田水往事愁入問虛名畏客稱
無材任蕭散敢望鶴書徵

除夜與家兄守歲

雨雪遠村中猿鳴旅館空
守爐消夜漏停燭待
春風有恨能催老無文辭送窮
却怜今夕酒還

與弟兄同

送謝恭

涼風起江海萬樹盡秋聲
搖落豈堪別躊躇空
復情帆過京口渡砧響石頭
城為客場宜早高堂白髮生

丁孝廉惠冠巾

知試山人服冠巾遠寄重佳名
因子夏舊製學林宗
畏映秋吟髮敢宜晚醉容
朝簪今已解期上華陽峯

步至東臯

斜日半川明幽人每獨行
愁懷逢暮慘詩思入

秋清鳥啄枯楊碎
虫懸落葉輕
如何得歸後
猶似客中情

江上對雨

索々鳴還止
紛紛去却回
入林催葉落
度海帶潮來
鳥濕歸難疾
蛩寒響易哀
秋陰兼客抱
幾日未能開

歸燕

昨夜涼生墨鳥衣
入夢思語多如恋
主去早若知時
海闊浮雲遠
梁空落月遲
客身翻愧尔
秋至負歸期

孤鴈

衡陽初失伴
歸路遠非單
反隴將書怯
排空作陣難
呼群雨外急
吊影月中殘
不共鳧鳥宿
兼葭葭夜寒

荅丁校理見貽

同居一塢中
只隔水西東
林近書灯露
溪回酒舫通
放鳧長合隊
移竹每分叢
只恐君徵起
雞期作兩翁

送張司勳赴寶慶府同知

乍出司勳幙
還乘別駕車
按圖猶漢地
輸布盡蠻家
山熟蛇懸樹
江晴鶴浴沙
郡樓回首處
北斗近京華

○ 獅山周君客於濠上思歸未得因寫舊
隱畫求予賦詩

幾年留客舍千里念家山得自畫中見猶勝夢
裏還菊畦經雨濯蘿屋帶雲閑楚奏無窮意相
忘賴此間

送舒徵士考禮畢還四明

寄語閉門吏休輕尚布衣叔孫聊應名周黨竟
辭歸赤日京塵遠蒼烟海樹微送君還自嘆老
却故山薇

送顧別駕之邊郡

故人雖盡別相去獨君賒綠路雲千堆臨邊樹

一家渡江船載馬到館竹驚鴉莫嘆孤城廢春
來尚有花

送僧恬歸靈岩

遊方應未久柳色變新年在路逢春雪還山訪
冷泉鍾催投寺錫灯照泊江船法意休多問無
言即是禪

寄喜公

禪居紫閣陰欲去問安心野岸隨流曲山門隱
樹深千燈然雨塔一磬出風林想見跣趺處雲
多不可尋

溪上

秋色共溪長遊人語笑涼萍開天倒影蓮墮水
派香魚罟和星澆禽且帶雨張從今搖桂棹不
必問瀟湘

賦得戟門送鄭博士

聖廟儼王宮重闕盛衛司儒冠趨內外武仗列
西東乍啓鳴鍾始將扃徹俎終莫言墻九仞還
有此能通

春日懷親舊

楊柳燕差差隣家換火時春寒添客思夜雨減
花枝涉世悠悠之夢懷人的之思出遊無舊侶空
館獨題詩

五言排律

洪武二年十月廿露降後庭栢樹

上出示從臣啓獲預觀嘉瑞因賦詩頌之
和氣融為液中霄墜土碧天光溥高栢上瑞發內
庭前見日朝還泫經風晚盡堅芳穠蜂蜜滑的
皦蚌珠圓厚澤歌難喻沉疴飲易痊願言同
聖德濡沃遍周埏

冬至車駕南郊

駕動百靈詞齋宮午夜過禮行因日至樂奏合
雲和配

祖崇周典祈年陋漢歌璧陳孤月滿燎發衆星

羅秩秩威儀盛穰、福祉多慶成應預喜四海
沐恩波

封建親王賜百官宴

漢運初興日周藩並建年辨方分社土當陞列
宮縣上相傳金冊中官闢綺筵誓期山作礪恩
鴻酒如川仙李千枝茂天潢幾派連百僚咸醉
喜拜舞赤墀前

聖節早朝

天啓

聖圖昌派虹叶夢祥飛龍起江左戰馬放山陽
御柳垂閭闔仙桃熟建章遠人陳音篋近侍挹

爐香金鏡千秋錄瑤池萬歲觴小臣歌拜手

堯日正舒長

送安南使者杜舜卿還國應制

安南初入貢朝廷遣翰林學士張呂
寧賁 詔冊其主為王及境而薨其
世子遣舜卿來告哀且請命及還

命朝臣賦詩送之

南粵知文化來廷喜取先地書通漢日貢紀入
周年號冊纔臨境容衣忽掩泉使蒙

天語言嗣許國封傳曉闕晴飛鳳炎溪晚墮鳥
往來時物異存歿

聖恩全 詔去開蠻霧帆歸望海天但修忘順
節世業自綿延

送高麗賀正旦使張子溫還國

丹鳳雲中闕玄菟海外城新陽初獻歲遠使盡
朝京卉服充 王貢珠旒仰

聖明花飛辭上國日出指歸程車餞都亭曉帆
開島嶼晴莫辭頻入賀寶曆萬年盈

雨

白雨散漚波餘春暗送過帆迷湘浦客珮冷楚
宮娥寐歷鳴高樹依微拂短莎燈前宵夢斷鍾
外暮愁和鳥濕婦難疾花寒落已多江湖看自

喜閑得試漁蓑

賦得履送行人

穩稱遊方脚新編楚岸蒲滑欺峯頂石危怯
問途輕曳愁妨蟻高飛关化鳧上堂聲每衆度
嶺影還孤着處朝行道拋時夜結趺空山欲相
訪落葉去踪無

禁中雪

君王元尚儉臺殿忽瓊瑤環素凝宮沼飛花綴
苑條坊鷄鷲曙早伏馬喜寒驕金扇開時看丹
墀掃後朝台司呈賀表樂部奏仙謠須信陽光
近都先別處銷

題黃鶴山人畫

何處畫相同湘南入峽東江來落日外山出抄
秋中綠桂騷人宅青蓮釋子宮鍾鳴樵谷暗船
散市橋空風樹驚猿落烟蕪去鳥通平生遊楚
興對此轉無窮

賦得貞娘墓送蟾書記之虎丘

色相終壞滅佳人能久妍斷碑山寺裏小塚竹
林邊蘭葉春風帶苔花暮雨鈿情留吳苑客夢
逐楚臺仙物外全真念人間斷俗緣高僧時宴
坐身在散花天

送息上人還江心寺

上人居寶地勝處似金山樓閣開天界波濤障
世寰鍾聞孤屿外刹出亂雲間螺女晨修饌龍
君夜叩闕遊方來暫會辭

闕去難攀舊業菱生沼雜程柳映灣衣沾爐氣
出船載磬聲還施身來江估持經化島壘諸緣
除未早半偈悟猶艱安得如康樂登臨此共閒

夏水

寒收凝凍井晚薦納涼宮抱絮存天質消炎奪
化工氣蒸金盃潤色映玉盤空弱藻含猶在織
塵隔未通非山寧可倚是水復當融照夜何須
月驚鳥秋詎待風製屏應不隱作珮定難攻客貌

清誰並仙肌瑩自同宜涵筠簟素愁逼桂爐紅
願解行人渴分貽道路中

荅胡博士留別

世緒名臣後聲華俊士前棘闈曾中的芥水舊
鳴絃遠道秋風禡空齋夜雨檀倦遊驚齒暮多
難喜身全孤客愁王粲諸生老鄭玄未應心戚
戚還是腹便便杜曲無歸業成都有卜錢我方
辭六闕下君尚隱江邊久話燈催剪頻過榻解
懸揮隣飲得地結友愧忘年牧逐依門轉漁梁
近渡連舊盟尋白鳥餘俸買烏糲流水空塘樹
疎林破屋烟詎憂窮作崇但欲醉成仙政爾交
歡客俄然別恨牽湖山入苑路雞犬載家舩離
索方堪嘆分携益可憐殊鄉難託主薄俗易輕
賢寒浦通潮處春城罷雪天梅花未宜折持送
只詩篇

夢

的的綠愁得濛濛與醉和輕隨雲浩蕩暗越嶺
蹉我夜店嗟偏短春閨想最多關山歸識路江
渚去凌波梁落中宵月樓橫欲曙河隔簾休喚
鵲近燭任飛蛾遊遠字煩載穿深豈更訶寒驚
瑤作障暖戀錦成窩胡蝶誰家信鴛鴦別浦歌
靜嫌風動竹開怯雨鳴荷寂寞因高綺低遲帳

卷羅知情惟枕共送恨忽鍾過縞袂香猶在朱
絃字不磨記來還彷彿尋去已蹉跎宿燼芬餘
麝剩殘粧暈淺螺夏歡情恣妄離合事皆訛他
上吟芳草庭前覓舊柯既目思是種復奈睡為
魔易斷俄如此難憑竟若何陽臺莫重問千古
美巫娥

焚香

艾衲山中品都夷海外芬龍洲傳舊探燕室試
初焚奩印仄紫字炉呈玉鏤文乍飄猶掩井將
漸更氤氳薄散春江霧輕飛曉岫雲消遲憑宿
火度遠記微薰着物元無迹遊空忽有紋天絲

垂鬟之池浪動法之異馥來千和祥翻却衆
嵐光風捲碎花氣日蒸燻灯火宵同歇茶烟午
共紛寒帷嬾放早引典夢添勤梧影吟成見鳩
聲夢竟聞方傳媚寢法多著辟邪勳小閣清秋
雨低簾薄暮曛情慚韓掾深恩記魏王分宴客
留鷓侶招仙降鶴群曾攜朝罷袖尚挹舞時裙
囊稱縫羅佩箠宜覆錦裏書堂殊搗桂素壁漫塗
芸本欲參童子何須學令君忘言深坐處端已
謝塵氛

送祀諸王功臣

効節忠臣盛酌功聖澤寬未開面像閣先築降

靈壇松栢新阡茂風烟舊壘殘傳香來帝子讀
詔有祠官日即分封始還思創業難親連諸國
重恩及九泉歡廟靜儀容肅山空仗衛寒雲間
超鉄騎月下響金盞幣玉應長薦鍾鼎更不刊
如何渭水上未許祀衣冠



三先生詩卷之十二

三先生詩卷之十三

楊孟載五言律詩

聽雪軒

虛簷迸玉鳴入夜轉分明風響不相似雨聲無
此清倚窓心不倦接火耳頻驚道是梅花落梅
花落更輕

夏夜有懷

重露澄秋色輕風生夜涼碧看湖草亂紅愛渚
蓮香有弟徒相憶何人不異鄉悲茄在城上双
泪落衣裳

哭陳仲野都事

水雪阻脩途，崎嶇托老奴。百年鄉夢斷，萬里客墳孤。囊橐遺書在，期功遠姓無。一盂寒食飯，誰與真榛蕪。

曉起

曉起忽鉤簾，青山在短簷。花疎風更減，衣薄雨重添。別意因詩託，閑愁與病兼。靈臺龜策在，其柰不能占。

七夕

樓迥秋河逼，簾虛夕露侵。巧於閑處乞，愁向別時深。月殿蛛絲彩，星橋鵲羽金。年來孤此夜，兒

女亦傷心

露

法夜濃初滴，橫江白漸多。珠光聯玉陛，金氣逼銀河。甘和盃中屑，涼侵襪底羅。無人為收拾，灩滿秋荷。

梅花清夢

霜月路西東，梨雲影淡濃。孤燈數聲角，急雪五更鐘。詩向愁邊得，春於醉裡逢。不須尋舊跡，湖上兩三峯。

朱元瑾折蘭花一枝相寄

幽蘭不易得，孤潔比秋霜。自可供金屋，何須寄

草堂一枝湘水碧
數葉楚烟長
便結參差佩
羅衣十日香

詭柳

晨之復揚、春風折又長
絮飛疑燕拂枝重
鸞歲晚挂初三月
秋零一夜霜
江邊多少樹
此樹斷人腸

荷葉

圓荷破蓬苞
孤莖上藕梢
雨撐樓鷺屋
風捲蔭龜巢
溪友裁巾憤
墟人作飯包
小娃曾已折
新月裏湖坳

桐樹

琢木曙鴉啼
採枝小鳳棲
材伶工製瑟
葉想戲裁圭
涼送秋聲早
陰移夜月低
夢回踈雨滴
人在轉轡西

惠米

玉色西溪米
蒲囊手自封
恩同粟五秉
寵過祿千寵
雲子鮮、滑紅芒
細、春加飧
愧尸素飯飽
一文節

題溪山小隱

何處溪山隱
衡門對野橋
晚風携鶴子
春雨種魚苗
小徑斜通竹
踈籬甘護蕉
人生閑自足
不問楚辭招

盟鷗亭

舊業水西頭新盟結衆鷗群
疎寒不散影獨暮相投
菡萏陂塘雨滋蒲野岸
秋青田無白鶴得此復何求

東閣對雨

朱郎開東閣青閨對晚林
雨苔行處濕風葉坐來深
俯仰惟緘口交游孰吐心
偶逢佳菊醉萬事愁消沉

池閣晚興

池閣敞重扉林光動淺漪
病嫌紉扇早愁覺漏籤遲
雨鶴飢獨立風荷弱屢欹
冥冥空閣外極目見蛛絲

目見蛛絲

近有

近有山東信河南已退兵
初聞通漢使又復叛齊城
樓嘆多疑失師恰少筭
傾如何金四萬容易託陳平

送胡鼎文遊越

脉脉寒食雨差差
堯李花君能輕遠別我獨愛
春華山縣增新壘江流失舊沙
不須探禹穴科斗已成蛙

別劉用章

桂苑思戎客薇垣亞相才
人皆期管樂我獨愛

鄧枚霧雨爐熏掩星河殿影開玉堂清切地遲
尔早歸來

送孫彥聲都司淮安之任

忠襄不可見幕下得遺賢策可西平楚書能北
首燕春旗破石砦暮雨芍陂田勿易開邊隙兵
交又十年

贈沈真人

花落猶烟莎蘭舟喜見過壯心丹未已愁鬢綠
無多小燕斜舞新鶯婉歌都將舊遊意一
吟付江波

送王忠公之上海

薄宦依東海孤忠隔戍烟花疎寒食後人遠暮
帆前深巷編蒲履斜岡種木綿母勞厭荒寂微
錄有會田

送沈自誠任武康縣丞

朱紱還家日青山佐縣時野蚕春自繭山大暮
生菴細讀隋唐律閑臨漢魏碑都將晉陽事寫
作送行詩

寄葉德新

江遠樹層蒲荷葉漸增酒樽池閣雨暮局夜
船灯竹淨刪逾瘦花疎掃未能亭川上鷓鴣風
急看飛騰

寄楊岩官

海嶼通村險，邊城出敵遙。
旗灯秋塞雨，鈴枕夜溝潮。
士飽爭投石，農閑數舞劊。
毋令廢收穫，高隴有枯苗。

送華亭盛縣丞

鵠立近寒磯，青衫解縣歸。
雨蓬依岸小，烟對到秋稀。
江遠嗟離別，情多覺易違。
回看花浦外，人影尚依依。

寄金文直

山柵護層城，陴遇險增遠。
烽朝屢報高，櫓夜頻登薄。
產千株粟，荒租半畝。
菱怜君治斯邑，亦

復有能稱

李迪病目戲贈

不寐聽鄰鍾，聲來覺耳聰。
夜吟斜達月，曉立背當風。
萬象空花外，千山霧雨中。
欲行俄觸戶，昏晝問兒童。

送趙季文推官致仕

白髮還家日，青山告老時。
鄉人邀入社，朝士送題詩。
晚步鳩為杖，晨餐肉作糜。
時時來故吏，能讀道傍碑。

過東氏廢園有感

苑廢主頻更，纔登意即傾。
燕歸隣屋在，鷗聚野

塘成瓦礫鴛鴦字溝渠環珮聲惟餘數株柳
衰風尚多情

詠隔隣桃花

春色護低垣晴梢露未乾不愁開處遠
深恨折時難水或漂香出人應罷綉
看願憑双蛺蝶將夢過東關

宮怨

舊寵憶專房羅衣有賜香偶來春沼上
閑坐綠陰涼寶髻徒教側蛾眉嬾畫長
新愁千萬種一種一思量

鍾離發書寄婉素

漂泊嗟吾遠支吾賴汝賢老親思進肉
痴女憶衣綿刀尺砧聲裏燈花髻影前
聊將千里夢持寄石城邊

閏月七夕

星橋纔泣別銀渚喜重過鵲整初回
駕驚傳輶織梭歡如前會少情比去年多
可是勤耕織恩容兩渡河

秋日舟中見蝶

趁暖戲晴川依人上畫船粉銷烟翅薄
香冷露鬢卷野菜踈籬外山花小
迳邊夜深桃李夢猶在綺羅筵

客懷

休官得養親况及楚江春喜極花迎笑情多柳
效顰玉醪銀葉繪紅稻紫絲尊遙想西園草青
青待遠人

人日懷高李迪

客路逢寒食流光惜易過楚山青漸少吳樹綠
還多短草茸雪輕鳧隊波無由見高適詩
罷獨吟哦

瓜州逢友人

江水淨如空江花冷未紅
伶子猶客裏羨汝已
鄉中白苧青衫雨烏紗短帽風不須移艇子垂

釣五湖東

逢鄭校書

一從淮水別千里各西東
又是秋風後相逢客
路中鬚眉怜我老憂患憶君同
遙想西齋宿孤
燈照影紅

江村雜興十首

其一

春墅一鳩啼橋危懶過溪
徑苔都上壁野菜不
分畦倚杖妨花密看山
碍竹低欲知幽隱處風
雨白門西

其二

陋巷泥三尺無人訪
隱淪窓鳴風減睡
炊斷雨添貧野店花
邀客江橋柳送人
暫須依薄俗憇此
竈餘身

其三

春色冶城東
花穠咲老翁
燕遲雙壘破
蜂早一房通
薄暝山腰雨
踈紋水面風
便攜蓑笠去
垂釣綠蒲中

其四

東瀼復西圻
村可釣磯草
於烟外密花
較雨前稀
小管催鶯出
踈簾待燕歸
傷心新柳色
猶妬舊羅衣

其五

江橋春別後
沙舸獨歸時
鵝鴨東西垞
菰蒲遠近陂
藕深荷蓋晚
竹瘦筍鞭遲
野趣誰能識
惟應白鷺知

其六

江影搖春樹
潮痕摺晚沙
綠萍三尺雨
朱槿一籬花
去國仍思國
還家復夢家
自無千祿意
何必遠京華

其七

乍暖袷衣輕
閑依綠渚行
鳥喧如有訴
花慘似傷情
風度思前輩
才華畏後生
自緣耽野意
初

不為遜名

其八

僧居映柳莊漁市入橫塘晚渡双梳月朝吟一
現霜瘵貧知有術醫俗笑無方種得青之草離
憂賴尔忘

其九

咫尺南朝寺松杉覆短垣野猿偷佛供山鳥學
人言石氣晴猶濕泉聲靜却喧塵心久空寂隨
喜給孤園

其十

儀困非無舌顏貧尚有田病多餘藥券窮乏買

山錢白壁交徵日黃金寵賜年都将舊游夢一
笑野鷗邊

秋日郊居雜言六首

其一

茅屋人歸後荒村更異鄉樹寒鳥繞月江冷鴈
啼霜影賴燈相續愁綠酒在忘明朝覽青鏡白
髮幾多長

其二

出門山氣夕循逕入溪陰野水經寒淺秋雲到
晚深草潛驚鷓兔沙露啄魚禽自採黃花嗅誰
知獨步心

其三

庭樹欲栖鴉溪流沒淺沙瘦伶人似菊濃愛葉
如花秋色都連水寒雲忽變霞自慚長在客無
地不思家

其四

地與華陽近三峰獨往來草香千品藥松老一
身苔書怪猿偷看門驚鹿撞開牆東有脩竹移
向北庭栽

其五

偶隨黃蝶去岫嶺樹邊橋卯酒紅初散朝霞白
漸消沙平留鴈跡水落見魚苗却愛箕山老從

容棄一瓢

其六

落葉擁柴扉村深過客稀曉車分殺去晚笛飯
牛歸漁負雨蓑立鳥銜霜果飛此中真小隱余
亦久忘機

贈友人八首

趙仲弘

古貌復長鬚山林一老儒豐城埋古劍滄海得
明珠文氣曹劉並才華沈宋俱故鄉諸友盡相
見獨踟躕

栢師文

白髮已千莖相逢意氣生看山留十日待月坐
三更秋浦槎頭釣春泥谷口耕莫言踪跡祕朝
市久知名

翟好問

愛爾山城隱柴門對縣衙酒資千畝苧生計一
園瓜雨步荷中濕風吟蓆帽斜時三扶短杖看
竹到東家

居行恕

一榻卧秋陰山螢照夜深瓦秤松館夾石薦竹
窓琴老愛籠鵝字貧消費藥金兩頭三日別菜
答乱蟬吟

樊楚尹

綠幕雨初涼閑齋夕漏長硯生秋蘚碧衣落紫
薇香教子抄書法逢人錄酒方自綠耽野趣甚
閣意都忘

吳善養

心境兩幽寂松風時掩闥佩紉蘭葉紫冠製竹
皮斑飲少長先醉吟多每自刪近來登眺懶滿
壁畫秋山

吳楨菴

玉笈佩神經雙瞳煉更青秋雲分席坐春雨卧
樓聽掃石持鷺尾踈泉洗鶴翎清虛長不食輕

欲駕飛軒

巫山隱

巫山青隱一
一楚江濱自入山中隱都忘夢
裡身玉冠蒼水佩鶴氅紫荷巾愧我方為客秋
風滿面塵

贈婉素

同祀碧雞神絲蘿又結姻文如謝道韞書逼衛
夫人真缺終相敬梁鴻不厭貧還能事荆布歸
釣五湖濱

秋齋雜詠四首

其一

劉表知先主懷王識沛公未聞收夏口先已玉
關中今古車書異興衰曆數同方驚雞作鳳當
信鷺非鴻

其二

今日長洲苑秋風列羽旗不圖新約法復見舊
威儀鼓舞兒童樂歌謠父老悲烟埃方袞之禾
黍正離

其三

歎息馮唐老吁嗟李廣賢窮通元有命生死詎
非天鼓角西風裏江湖短髮前南飛有鴻鴈一
字若為傳

其四

晚樹霜猶碧
秋花雨未黃
戎衣輕錦綉
旅食尚糟糠
驛路千山隔
河流一葦航
毋憂兵數戰
已定法三章

風雨泊舟

江浦初寒夜
全家在一篷
飄零無主僕
憂患及兒童
柝靜孤城雨
鐘沉遠寺風
明朝青鏡裏
鬢髮定成翁

晚過秋浦

淡日雨晴天
江村正可憐
碧雲初見鴈
紅樹尚聞蟬
一望皆秋水
千山各暮烟
自慚簪組累
羞

近釣魚船

湖口見月

秋月自嬋娟
澄波照更妍
梳伶宮髮側
眉想鏡臺前
初見愁將墮
猶觀喜漸圓
旅懷何處感
風露九江船

方氏園居 三首

其一

北墅花連屋
東園菊繞庄
病長陪客坐
老不厭人狂
鵝鴨荒陂雨
楂梨小樹霜
他年倘相過
里邑定名芳

其二

秋氣入郊墟新涼似雨餘囊叔經驗藥彙集著
成書酒熟知愁減花開覺病除何曾廢錢買山
果及溪魚
其三
舊物嗟孤劍春風別五陵未衰先遣妾已靜更
踈僧往事真騎虎中年得縱鷹兩溪千頃月談
坐不須燈

三先生詩卷之十三

